



**सानसेयारि 'बड'सा'** खीरालाइयाव  
अमाज्यायि जिज्जे लोखा थावाय रायथाय, अन्याय,  
अल, अलबाथा आरु हावबायारि थावनि, पाके  
बाइदिनि आयाव लिन्नाय लिन्निबां दैथाय हरु।  
सानसेयारि 'बड'सा' खीरालाइया सेबखानिनि  
फोसावगोन।

बड'सा'यव लिन्नाययि हुबा खालाम,  
'बड'सा' खी नीथी, जे बयबो अंगो खालाम।

सानसेयारि बड'सा' माखुलि  
माइबं नोगार, जोहोलाव देमालु लामा  
कक्राझार, बिटोस-783370  
Website: www.bodosanewspaper.com

# सानसेयारि बड'सा'



## 1 लाखनिखुइबो बांसिन हा गैजायै नख'र'नो राइज्यो सरकारआ हा पात्ता होदो

### ट्राइबेलफोरा रैखाथि जायोब्लासो आसामआ रैखाथि जागोन: गिबि मन्थि

**दिसपुर, 5 अक्टूबर:** राइज्योन ट्राइबेल हा गैजायै नख'र'फोरनो समान मोन्थाय होनायनि फासै रायखांजाथवा हाबाफारि लानायखो मावफुनायै गिबि मन्थि सर्वानन्द सनवालआ दिने राइज्यो सरकारनि राहायारि बिफाननि बाञ्जायनायाव आरो माजुलि जिल्ला खुंथायनि हेफाजावआव दरियापारआव थानाय माजुलि फरायसालिमा गेल्लो फोथायव खुनाय मिरु हाबाफारिआव दिनेनि रान्नायजो लोगोसे माजुलि जिल्लानि 3 रोजानिबो बांसिन हा गैजायै ट्राइबेल नख'र'फोरो हा पात्ताखो हाबाफारि बादिने गथायनायै होयो।



मख'नो गोनादि, राइज्यो सरकारआ नैथि खोलोबआव बे हाबाफारिखो गुबुन गुबुन जिल्लायव दिने लानाय जादो। दुलाराय राइज्योनि खमैबो 1 लाखनिखुइबो बांसिन हा गैजायै नख'र'फोरा हानि मोन्थायखो मोनफुनो हाबाय। बेनि लोब्यायै खुनाय हाबाफारिआव बिबुंथि लाखिनानै गिबि मन्थि सनवालआ बुडेदि, आधिखालनि राइज्यो सरकारआ आसाम गोरबथानि मोनफोमबो दफाखो दाफुनाय बिथिडव गोनाथार राहा लागसिनो दड आरो इयुनआवबो बेबादि हाबाफारिखो लालांगोन। गिबि मन्थिआ बुडेदि, (□ 5 बिलाइआव)

## एवसुनि थान्दै हान्जाया बि टि सिनि प्रिन्सिपाल सेक्रेटारिखो लोगो हमदो

**कक्राझार, 5 अक्टूबर:** सोलिफु बोसोर 2020 माइथानि थानाय 27 जानेवारी अक्टूखालि जानानै थानाय बर'फोरनि थामथि गोजोन गोरबथा थामहिनबा बि टि आर गोरबथानि बाहागोदारि एबा सागानगिरि हिसाबे दुलाराय बर' फरायसा आफादया बे गोरबथानि दफाफोरखो आबुडै मावफुनायखो हास्थायबोबाय थारो आर गोरबथानि दफाफोरखो फारि-फारियै आबुडै मावफुनो थाखाय सरकारखो नरसिनबोबाय थारो आर खबलायबोबाय थारो। बेबायदिनो आफादगिरि दिपेन बर'नि दैदनायाव एवसुनि सा 5 सोद्रोमानि मोनसे थान्दै हान्जाया (□ 5 बिलाइआव)

## आधिखालनि सरकारआ गुबुन गुबुन बिफानआव सा 80 रोजा लाइमोनफोरखो अरायथा आरो थिका महरै साखिआव थिसन्दो: गिबि मन्थि

**दिसपुर, 5 अक्टूबर:** आधिखालनि बिजेपि दैदनाय सरकारआ खुंथायाव फैनायनि उनिफ्रायनो थानाय 4 बोसोरनि बांसिन माव बिबाननि समाव सरकारनि गुबुन गुबुन बिफानआव खमैबो 80 रोजा लाइमोनफोरखो रंगथि थाखोआव सायख'नानै अरायथा आरो थिका महरै साखिआव थिसन्नाय जादो। बे थिसन्थायफोरनि बिथिडाव सरकारनि हेँथायै एसेबो बेरेखा हान्जाया आसि दिन्थिनो खाबु मोनाखे। थानाय बावैसो सान सिगां आसाम पुलिसनि लेखड नायसंगिरि थिसनाय बिथिडवबो माखासे (□ 5 बिलाइआव)

## एवसुनि थान्दै हान्जाया बड'लेन्ड मुलुग सोलोसालिनि भिसिनो गोसोखां बिलाइ गथायदो

**कक्राझार, 5 अक्टूबर:** मिरु दुलाराय बर' फरायसा आफादनि सोलोसालिनि नेहाथारि कास्टम बयुमतरनि दैदनायाव फरायसा आफादनि मोनसे थान्दै हान्जाया बड'लेन्ड मुलुग सोलोसालिनि भाइस सेन्सेलरनो गांसे गोसोखां बिलाइ गथायनाय जादो। मख'नाय जायोदि, बड'लेन्ड मुलुग सोलोसालिनि सिडव थानाय गुबुन (□ 5 बिलाइआव)

## रंसारि खौरंगिरि दनेस्वर राभानि गोसोखांथि मेलआ जोबलांबाय

**उदालपुर, 5 अक्टूबर:** उदालपुर जिल्लानि कलाइगाव थानानि सिडव कसरटल गामनि थागिबि आरो थानाय 6 सेपेतेरआव गुवाहाटी मेडिकल कलेज देहा फाहामसालिआव उदालपुर जिल्लानिफ्राय गिबि कभिड-19 जो जिउ खहा जानाय खौरंगिरि रंसारि दनेस्वर राभानि गोसोखांथिआव आरो लाइसि बेखेवनाय हाबाफारिनि (□ 5 बिलाइआव)

## बि टि ए डिनि दाब दाब जिल्लाफोराव बाग' एन डि एफ बिफोरनि सोमावसार हाबाफारि गायसनगिरि रन्जन दैमारि, जोबथेसालियाव थानांनय गासै सोद्रोमाफोरखो थाबैनो हगारनायजो लोगोसे रिहेबिलिटेसनखो थाबैनो मावफुनो दाबि

**कक्राझार, 5 अक्टूबर:** बर' हारनि रैखाथि, थामोन्था आरो उदाभिनि थाखाय 30 बोसोर नाडेहाग्रायाव थानानै आखाइयाव हाथियार लाना सरकारनि हेँथायै सोमावसारबेनाय आरो जांखिखोबांनय बर'नि बिग्रायारि आफाद नेसेनेल डेमक्रेटिक फ्रन्ट अफ बर'लेन्ड एबा एन डि एफ बिआ हाथियार गथायनानै हाग्रायनिफ्राय ओंखाबोना थानाय 27 जानेवारीयाव जानानै थानाय बर'फोरनि थामथि गोजोन गोरबथा थामहिनबा बि टि आर गोरबथायाव सागान होगिरि महरै बाहागो लाफेदो। बि टि आर गोरबथाया जानानै थानायनि उनानो एन डि एफ बिनि मोनब्रेबो हान्जाफोरखो सिफायनाय जादो। अदेबानि बि टि आर (□ 5 बिलाइआव)



## कक्राझाराव फोरोगिरिफोरनि 2 घन्टा धर्ना हाबाफारि

**कक्राझार, 5 अक्टूबर:** राइज्योनि गेजेराव थानाय गोबां फरायसालिफोराव लान्दो जानानै थानाय फोरोगिरिफोरनि मासिखो आबु खालामोनो, गोदान पेन्सन बिथारिनि सोलायै गोजाम पेन्सन बिथारिनिखो दोनफिनाय आरो 7 थि पे-कमिसनखो गेडे मवफुनायनि दाबिजो दिने बि टि सिनि बिखा कक्राझार सहराव (□ 5 बिलाइआव)



## बाक्सयाव बाग' एनडिएफबिआ धर्ना होदो

**बाक्सा, 5 अक्टूबर:** बाग' एनडिएफबिनि सोद्रोमाफोर धर्नायाव जिययनानै बाक्सानि मुसलपुर ओन्सोलखो स्लान होनानै गोमसार होदो। एनडिएफबिनि मोनथाम हान्जानि 100 निबो बांसिन सोद्रोमाफोर धर्नानि गेजेरजो गावसोरनि दाबि- (□ 5 बिलाइआव)

## गिबि मन्थिआ माजुलिआव मोब्लिब दालाइ मिरु बेखेवदो

**दिसपुर, 5 अक्टूबर:** माजुलिनि बिखायाव मोब्लिब सिबिथाय होनायनि बिथिडव मोनसे गोखो राहा हिसाबे गिबि मन्थि सर्वानन्द सनवालआ आसाम मोब्लिब जगायथाय कम्पानी लिमिटेडनि गेजेरजो दीन दयाल उपाध्यायनि ग्रामज्यति यजनानि सिडव वनगावआव लुफुनाय 33/11 किल' भल्त गोहोनि आबुडे थानाय (□ 5 बिलाइआव)



## साथाम गोनोखोयारिफोरनो नबेल बान्थाखो गथायबाय

**स्टकहम, 5 अक्टूबर:** मुलुगनि गेजेराव देरसिन माननि नबेल बान्थाखो साथाम गेदेमा गोन्सोयारिफोरनो समबारखालि गथायनानै होबाय। सुलुनिफ्राय मिबिथिनाय बादिब्ला, आमेरिका हादरनि हार्जे अल्तार, साल्स एमराइज आरु ब्रिटेनि गोन्सोयारि माइकेल हाउदनो हेपाटइटिस सि भाइरसखो होबथानो हानायनि थाखाय बे गेदेर नबेल बान्थाखो गथायनानै होयो। मेडिसिननि बिथिडव जोबोद रायखांजाथवाना बिहोमा होनो हानायनि थाखाय बे माननि बान्थाखो होनाय जादो। जाइमिनआव गिबि खेब हेपाटइटिस सि भाइरसनि फाहामथाय होनाया जाथावना एबा जाफुसारायनि थाखाय ब्रिटेनि गोन्सोयारि माइकेल हाउदनो नबेल बान्थाखो होनाय जादो। नबेल प्राइजनि टुइटरनि गेजेरजो मिबिथिहोनाय बादिब्ला, 2020 मेडिसिन एवाइर् देरहानाय गोन्सोयारिनि (□ 5 बिलाइआव)

## मोब्लिब खोन्दोखो गावयारि खालामनो सरकारनि थांखि लानायनि हेँथायै मोब्लिब मावसुमाफोरा सोमावसारदो



**कक्राझार, 5 अक्टूबर:** हादरनि गेजेरावनो मोब्लिब खोन्दोखो गावयारि खालामनो थाखाय सरकारनि थांखि लानाय आरो राहा जागायनायनि हेँथायै दिने आसाम पावार डिस्ट्रिक्टिसन कम्पानी लिमिटेड सुंदर्यै एपिडिसिएलनि आवथायाव खामानि मावया मोब्लिब मावथिफारियाफोरा दिने कक्राझाराव 2 घन्टा (□ 2 बिलाइआव)

## एस आइ साखि थिसन्थाय खेलेंखारिनि हेँथायै कक्राझारआव कंग्रेसनि धर्ना

**कक्राझार, 5 अक्टूबर:** थानाय 20 सेपेतेरखालि राइज्योनाडे खुंजानाय आसाम पुलिस बिफाननि साब इन्सफेक्टर मासिनि साखि थिसन्थायनि आन्जादयाव खेलेंखारि सोमजिनय थामहिनबा सोथि बिलाइया आयेन बेरेखायै बाइजोयाव ओंखारनयनि सायाव सिबिआइनि नायबिजरनो दाबिजो (□ 2 बिलाइआव)



## डेकियाजुलियाव कंग्रेसनि सावराय मेल खुंदो

### बिजेपि आरु एजिपिनिफ्राय 100 नि बांसिन सोद्रोमाफोरा कंग्रेसआव

**डेकियाजुलि, 5 अक्टूबर:** डेकियाजुलि ब्लक कंग्रेसनि बाञ्जायनायाव दिने राजिब भवनाव मोनसे गेदेर सावराय मेल हाबाफारिया जानानै थारो। दिनेनि बे हाबाफारिनि गेजेरजो डेकियाजुलि गामियारि ब्लक आरु नोगोर ब्लक कंग्रेसयाव डेकियाजुलिनि समाज सिबियारि बिनदर नाथ आरु मिदुल महन्तमोनजो लोगोसे बिजेपि, एजिपि दोलोनफ्राय 100 निबो बांसिन सोद्रोमाफोरा कंग्रेसयाव हाबफैयो। बे हाबाफारियावनो आसाम प्रदेश कंग्रेसनि आफादगिरि रिपुन बराआ बाहागो लाफेनानै एजिपि आरु बिजेपिनिफ्राय कंग्रेसयाव हाबफैनायखो गोगानाय लानाने बुडेदि, फैबाय थानाय 2021 नि जानो गोनां राइज्यो बिधान सभा बिसायख'थियाव कंग्रेसनि गोदान सरकार दाफिनगोनआ रोखा (□ 2 बिलाइआव)



जाबाय मानोना दिनेनि दिनाव बिजेपि दैदनाय सरकारनि समाव गोबांथार जाखलनायनि अजद दैखांनाया रोखा-रोखायै नुजाथिबाय थारो। बेनिखायनो फैबाय थानाय बिसायख'थियाव कंग्रेसया देरहानानै सरकार दायोब्ला जाय गामियाव अंगनबादि फरायसालिया गंसेल' दं बे गामिफोराव गनै-गंथाम आरु गोनांथि जानायबादि लुफुना होनाय जागोन। मानोना सोलिफु समाव गंसे गामियाव गंसेल' (□ 2 बिलाइआव)

# सुजुगिरिनि खोलाम

## ॥ ना-हांसो-दाव फिसिनानै गोबां रां खामायनो हायो, एफा-एनै रां फैनायाबो सैथो ॥

आबादयानो बर' फोरनि थाना थानायनि गिबि आरो गुदि फुंखा। आबादिन अनगा सदा-बुसा मावदामब्लाया गामियारि बर' फा गुबुन माबा मोनसे मुलाम्फायागि गोनां खामानि दामानि मावनानै रंखास्थियारि बिथा फसथानो आरो आबादखौनो गुबै राहा हिसाबे लायोब्लाबो गोनोखोयारि आदोबजो अवगायनो हाद्रायखै। अब्लाबो बुनंगोनो बर' फ्राबो आधिकालाव-फालांगिरि, मोजां आबादारि दैसै। फालांगिरिफोरनि बाश्राखौं एखाजबलाचानो मिथिंगायारि फुंखानिफ्राय मोन्याय माखासे खाबु आरो देहानि बोलो बाहायनानै मावसोमनायनि गेजेरजो गामियारि रंखास्थिखौबो गुस्लायनाय लाबोनो हासै। मुलाम्फायारि जानो राहा दैसै। बेफोरनि गेजेराव ना आरो हांसो-दाव फिसिनायाबो मोनसे। गुबैयै ना आरो हांसो-दाव फिसिनायनि मोजां समानो जादो दैज्जां बोथोर। दैज्जां बोथोर सौफैब्लानो गामि ओन्सोलनि गोबां हाखर-हाला, गरखाय-दंगफ्रा अखानि दैजो दानब्रे-दानबासिम आबु लोमनानै थयो। बेफोर एरनो गोलैसोनानै थानाय हाखर-हालाफ्रव समबाय हिसाबै एबा गावयारि हिसाबे बोथोरानो ना फिसिनो हागौ। ना-जो लोगोसे जावजा आबाद हिसाबे हांसो फालोबो फिसिनायनि राहा खालामनो हायोब्ला रंखास्थियारि फुंखाखौ एसे एनै बांहोनानै मिजिं खालामनो हागौ। दैज्जां बोथोरय थि बेंखनथायनि गेजेराव दोनानै हांसो फिसिनो लायोब्ला दैयाव थाल्दानाय-साम'-खांख्राइ, गुमा, बायदिसिना एम्फो-एनलाफोरखौनो गोजोम-गोजीम जानानै थानो मोजां मोनो हांसोया। जाउनाव गोबां आदारनि गोनांथि जाना। बिब्लिनो हाखर-हालानि फोसाबझाइहाग्रा-बंग्रा, दाखोर-दालाफ्रबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो हांसोब्ला बेफोराव नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थियोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनायनि बे गोलै राहाजो बाडाइ खरसा आरो बाडाइ समनि गेजेरावनो गरफा-गरनै खामायनायनि लामा ओंखारो। गोलै दिखुरा हांसो फिसानि थाखाय ना फिसिनाय बादिनो सोरगिदि जेवरानि गेजेराव सम सम आरो बाइजोयावबो सम लानानै हगारलाय-थिसनलाय खालामना होनायनि राहा लायोब्ला गोखै देरनो बोलो मोनो। आधिकाल ना-बेदरनि साहिदा बांन्याय आरो बारायलाबनाय बेसेनखौं नोजोर होनानै ना-हांसो फिसिनायजोबो रंखास्थियारि बिथिडै गोखौं जानो हायैनि बाश्रा फैया। नाथाय बेफोर आबादजो गोबां मुलाम्फा जायैआ सैथो, नाथाय बेकारफोरनि थाखाय साखि-बाखि जासादि आखायनि खरसा फैनायाबो सैथो।

आधिकालाव रोजा-रोजा बेकारफोरखौं सरकारि मावफारिया थिसन्नानै जेनाखौं सुफुंनंगोया गोब्राब होनानै नुहरखानाय। बे बिथिडै सरकारि मावफारियाखौल' नेनानै थास्लायसाय बाडाइ सम आरो एसेल' खरसाजो गोलै गोलै बिथिंखि लानानै रंखायनायनि राहा लानानै सरकारि अनसुथाय मोन्यायनिबो सरकारि मावफारिया, बिबानगिरिफोरजो सोमोन्दो लाखिनाया गोनांसै 10

# दिनैनि फानजामुथि

### राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

- मेष:** जेखि जाया मानो लोगोनि हेफाजाब मोन्नो हागोन। जैरेबो गोजोन्नया मोन्नो हागोन। मोजां सान।
- वृष:** जेखि जाया मोजां खामानिखौं मावनानै लानो हागोन। जौगानाय मोन्नो हागौ। गोथार सान।
- मिथुन:** हरखाबै माबाफोर मुवा मोन्नो हागौ। लाश्रनो हायै गोजोन्नया मोनगोन। मोजां सान।
- कर्कट:** दिनैनि दिनआ गोथार सान। बे राशिन सुबुंआ मोजां हाबाफोरखौं मावजेनानै लाग्रोनो हागोन।
- सिंह:** जैरेबो लोगो गोमाजानो हागौ। जेखि जाया सांग्रां जानानै थानांगोन।
- कन्या:** सुधुरफोरा जेनायाव खोखनैनो हागौ। जैरेबो सांग्रां जानानै थानांगोन। गात्रि सान।
- तुला:** जेखि मावा फालांगि मावोबा रंखावरि मुलाम्फा मोन्नो हागौ। दिनैनि साना मोजां।
- वृश्चिक:** मानिबा खामानि मावनायाव सोरजोबा हँथा होजानो हागौ। सान्नाय थांखिआ जाफुनाय नड।
- धनु:** गोसो जानाय बायदि रंजानो -बाजानो हागोन। दिनैनि दिनआ मोजां।
- मकर:** मोजां खामानि मावनानै दिन्थिनो हागोन। बयखौबो थुंलुगांखोहोनो हागोन। गोजोन्नया मोनगोन।
- कुम्भ:** बोरेबाफोर जात्रबथायाव गोलैनो बायनो हागौ। जैरेबो सांग्रां जानानै थानांगोन। गात्रि सान।
- मीन:** नख 'रनि मोजां हाबा मावनानै लानो हागोन। नख 'रआ जौगांखोनो हागौ। फारफ्रेमथिबो मोजां।

# रायजोगिरिनि बावैसो फोसावनाय बिथान-

27 जानुवारीयाव जालांनाय गोजोन बर' गोरोबथानि रादाय खानायखौं लानानै, थानाय 28 सेप्टेम्बर 2020 ई अक्ट'आव, आसामनि रायजोगिरिया मोनसे अफिचियेल बिथोन फोसावदो। अफिचियेल बिथोनआ बेनादि-गोरोबथानि 3.3 दफा बादियै बिटिङिनि मुंखौ बिटिआर मुं दोनाय जाबाय, 3.1 दफा बादियै गामी दाजाबनाय दानखनायखौं मावफुंनो कमिचन दानाय जाबाय। बिनि अनगायैबो बिटिचिन बायजोआव Bodo-Kachari Welfare Council (BKWC) दानाय, बर रावखौ आसामनि Associate Official Language खालामनाय, आरो माखासे दफाखौं थाबै मावफुंनयनि राहा लानो फोसावनाय।

बे फोसाव नायखौं लानानै गोबांआ रंजादो बमा गावदो, मोनसे फोरबोनि थासारि हालामाव आरोबाव सोमजिदो। माखासे दैदेनगिरि आरो फोसावगिरि फोर बेखौं लानानै मेल-मिठिआव, इउ-टिउबाव, फेच-बुक'आव गोबां खहाबथाव बाश्रा फोसावदो, रायजोगिरि आरो आसाम सरखाखौं जोबोरे बाख्नायदो। नाथाय बेफोरखौं हालामाव रायजोगिरि खुंथाय सोलिनया समाव, एबा बिटिचियाव साइख' जानाय सरखा गयै समाव, हाखु दाखुयै मानो फोसावनो गोनां जादो, थांखिया मा, मोजां ना गात्रि-गोबांनि गोसोआव सोनाय सोमजिदो।

गिबियावनो बुनंगोन, रायजोगिरिनि बिटिङिखौं बिटिआर मुं दोनाया आइन बेरेखा आरो खान्थिजो सोमोन्दो गयै। रायजोगिरिया बिटिङिनि मुंखौ सोलायनो हानायनि गोहो गैया। मानोना, बिटिङि मुनि खुंथायखौं, भारत संबिजिरनि डथि फारिलायखौं संसद'आव सोदानाय बिल लाबोनाय उनावसो, बांसिनै गोहो होनानै, बिप्लटिजो गोरोबथा खालामनाय जाउन'आव दानाय जादो। बे दाथायाव आइनआरी गनायथि दं, आरो बियो दा आइन हिसाबै भारत संबिजिराव लिखनानै दोनजानाय। बेखौं बिटिआर मुं दोनंगोब्ला सिगांनि आइनखौं संसदाव फिन सोदानाय लाबोगो नंगोन, नडब्ला बिप्लटिया बिटिचि गोरोबथा खौनो बोखाना लाफिनो नंगोन। अब्लासो बियो जाथाव जागोन।

नैथियाव, गामी दाजाबनाय दानख'नायनि कमिचन दानयाबो बेसे गनायथाव सान्नो गोनां। खान्थि बादियै बेयाव बिटिचि निफ्राइ सासे सोद्रोमा थानांगौ। नाथाय दायो बिटिचियाव सायख' जानाय सरखा गैया आरो बेयाव रायजो गिरिनि खुंथायसो सोलिनानै दं। गेजेर गद'नि सरखा दानाय राहाखौबो गोरोबथानि दफयाव दोनाय जायाखै। बे बिथिङिव सिगांगो रायजोगिरि खुंथाय बोखारनाय आरो बिसायथि खुंनंगोआसो गिबि सत्व जागोन। रायजोगिरि खुंथाय सोलिनयाव समाव एबा सुबुंनि सायख' जानाय साखार गयै समाव कमिचन दानया खान्थिनि बेरेखा। आइननि बेरेखा।

फासैथि, 2003 मायथायनि बिप्लटि गोरोबथानि गेजेरजो 3082 गं गामीखौं बिटिचियाव सोसन्नानयि बाश्राखौं मिरु सरखा गनायथि होदो आरो बियो आइन महरै संबिजिरावबो लिखनानै दोनजानाय जादो। सोसनजायै आद्रा थानाय 95 गं गामीखौंबो इयुनाव सावरायनाय गेजेरजो सोसन्नो हानायनि लामाखौं दोन्याय जादो, नाथाय दासिम हानाय जायाखै। सरखा मावफुंनखै। आइनआरी गनायथि थानायनि थाखायनो, अबर' आफादिन मुं लानानै बिटिचि निफ्राइ गामी दानख'नो कट'आव गचर गाबनाय 542 गं गामीया थाबथाना थानो गोनां जादो।

बे बिथिङिव संसदाव सोदानाय बिल लाबोआब्ला एबा बिटिचिन गोरोबथायाव चही होग्रा दैदेनगिरिफ्रा गावसिन गोरोबथाखौं नेविस गावब्ला, कमिचन एबा आसाम सरखा ससे गामीखौंबो दानख'नो हानायनि गोहो गैया। गुबुन फासैथि, गामी सोसन्नया गनायथाव जायोब्लाबो नाथाय मोनखानाय गामीखौं

## अरुणाचल प्रदेश'आव उतखारिनि गाग्लोबनायाव सासे जवान मुंखलं



इटानगर, 5 अक्ट'बर : इन्डिपेन्डेट) नि परेश बरुआ अरुणाचल प्रदेशनि चालां जिल्लयाव उतखारिफोरा नैनानै थाना गाग्लोबनायाव सासे आसाम राइफल्सनि जवानआ मुंखलं जायो आरो गुबुन सासेया जोखोम जायो। इटानगरनि पुलिस बिबानगिरिफोरा बु'नाय बादिब्ला, जवानआ दै टेंक'आव लोनो दै लायदोमोन, बे समावनो हाथियार दैग्रा उतखारिफोरा हेतल' गामनि साखाथियाव गाग्लोबो। पुलिसआ सन्देह खालामदोदि, इनाइटेड लिबारेसन फ्रन्ट अफ आसाम (अलाफा-

दानख'नाया माब्लाबाबो गनायथाव जानो हाया। आगुनि आद्रा थानाय 95 गं गामी आरो दानि सोसन्नो गोनां गामीफोरनि मुंखौ रादाय बिलायाव रोखायै दोनालासे, बिप्लटि लानानै फेखानाय गामीखौसो दानख'नो दफयाव सोसन्नया जोबोर आदुवानि जादो। सोमाव सारनायनि उनाव, बांसिन गोहो मोन्नो थाखाय गोरोबथा खलामो ना मोनखानाय गोहोखौं खमायनो खालामो ? मोनखानाय गामीखौ दानांगोन गोरोबथायाव मात्रे दफा थानो हायो ? बियो बबे खान्थियाव गोलैयो ? मोनखानाय गामीखौ दानख'नो थाखायसो एबचुआ रायजो रजखौं हालुम मैलुम सोमाव सारहो दोंमोन नामा ? ओनसोला दानखेव जाजोबोब्ला इयुनाव बडलेण्ड रायजोआ मात्रे जाथाव जाहैगोन ? बेखौं सोर मात्रे गनायना लागोन ? ?

फासैथि प्रमद बर' आरो दानि एबचुनि आफादगिरि दिपेन बर'आ बिखन'आव आरो शनिपुर जिलाखौं 3.1 दफानि आवथायाव बिटिआर आव सोसन्नया जागोन होनानै फोसाव बायदो। हाबोबा मोजां, हाबनायखौं बयो लुबैयो। नाथाय बेखौं लानानै गोरोबथायाव जेबो रेखा लिखनाय गैया। फासैथि हिमन्त बिख शर्माया बिखन'आव आरो शनिपुरखौं बिटिआरआव सोनाय जानाय नड होनानै खौरंगिरि मेलाव रोखायै फोरमायदो। गुबुन फासैथि, थानाय 28 सेप्टेम्बर'आव रायजो गिरिया बिटिचिनि मोनब्रे जिलाखौं लानानै बिटिआर मुं दोनाय जाबाव होना सरखारी बिथोन फोसावदो। रावनिबो जेबो हँथा गैया ! बेफोरखौं नायनानै मुंख'नाय मोनै जिलाया बिटिआर'आव हावगोन-हाबा, बेखौं लानानै रायजोनि गेजेराव गोबां सँलु सिखादो।

कमिचननि सोद्रोमा जानाय, एबचुनि लेङय आफादगिरि जयन्त बसुमतारीया सोर, बियो बेसे बेसोनि, बेफोर बिथिङिव बेहा बेसेबां रंगथि दं ? रिटायरट आइएएस, आइपिएएस बादि गागु, गोरें, हादोत सालायग्रा अफिचर फोरनि खान्थियाव बियो मा सोमजागोन ? बिटिचिनि हँथा आफादफोरनि थान्द फोरजो बियो मा बाश्रा दान्थेगोन ? हासिखौं लानानै गथ' गोरलैनि बियो मा गेलेनाय जादो ? रावबो गागु-गोरें सुबुं नागिरना मोनाखिसै नामा ? बावगारनो नाड--गोरोबथानि दफयाव रोखायै लिखनाय थासेयावबो, बर' बिजोनि आलादा बिथोनगिरि गायसन्नांगौआ, थानाय 5 सेप्टेम्बर'व कम्बइण्ड (combined) बिथोन गिरिसो गायसन्ना जादो। गोरोबथानि गुदि प्रमद बर'आ नाथाय सिरि। बिनि जेबो हँथा होआखै।

थामथियाव, बिटिचिनि बायजोआव BKWC दानाय बाश्रा। बर'फोरनि बेलायाव वेल्फेयार सोदोबखौं दोनाय जादो, जायखौं आसाम'आव दानाय मोनफ्रेमबो गाव-खुंथाय राहायावनो बे सोदोबखौं दोनाय जायखै। बिसोरनो माखासे ओनसोल फोरखौं गावनि आवथायाव मावनो हानाय एसेबाबो गोहो आरो खान्थि खानानै होदो। नाथाय जालांनाय गोजोन गोरोबथायाव BKWC नि मावगोहोन बागै मुंभो रेखा लिखनाय गैया। अदेबानि बुनंगोन, बेहा गाव उदायै मावनो हानाय जेबो गोहो गैया। बियो मोनसे वेल्फेयार एजेन्ट हिसाबैसो हाबा मावगोन, जायगानि जेनानि बागै रायजो सरखारनो लायो-लाया बोसोन होनो हागोन, बेनि बार नड। गाहायाव होनाय गोरोबथानि लिखनानाय मोनै दफाखौं नायोवानो बेखौं रोखा जानो हागोन--

5.1 Government of Assam shall set up a Bodo-Kachary Welfare Council for Focussed development of Bodo villages outside BTAD in the lines of other existing Councils for Plains Tribes. State Government will consult Bodo organisations and existing Councils before notifying areas to be included in the proposed Bodo-Kachari Council.

## एस आइ साखि थिसन्थाय खेलेंखारिनि हँथायै कक्राझार'आव कंग्रेसनि धर्ना

(1 बिलाइनिक्राय) दिने सबभारखालि कक्राझाराव कंग्रेस हान्जाया मोनसे सोमावसार हाबाफारि बान्जायदो। कक्राझार जिल्ला कंग्रेस आफादिनि बान्जायनाय बे सोमावसार हाबाफारियाव जिल्लानि सिङव थानाय गुबुन गुबुन जायगानिक्राय गोबां जो कंग्रेस हान्जानि दैदेनगिरि आरो सोद्रोमाफोरा आखाइयाव बेनार, फ्लेकार्ड, फेस्टुन लानानै बायदि-बायदि स्लगान होनानै हान्जा सुरनायाव बाहागो लाफादो। बे हँथा हान्जा सुरनाय हाबाफारिखौ रेन्ड्र बसुमतारि भवनिक्राय जागानानै कक्राझार एसपि मावखुलिभि थानो थांखि लादोमोन, नाथाय जिल्ला पुलिस खुंथाया कंग्रेसनि बे हान्जा सुरनाय हाबाफारिखौ लामा गेजेराव होबथायो। बे सोमावसारनाय हाबाफारिनि गेजेरजो कंग्रेस राजखान्थि हान्जाया आसामाव बिजेपि दैदेननाय राइज्यो सरकारआ राइज्योनि थागिबि सुबुंफोरनि थाखाय समान अन्सायलु आरो जौगाथाय खामानि मावनायाव फेलें जानायनि अजद होयो। कंग्रेसआ अजद होनाय बादिल्ला बिजेपि दैदेननाय सोलिफु राइज्यो सरकारआ राइज्योनि सरसम्प्रा सुबुंफोरखौं गावसिनि मोनगां मोन्थायनिक्राय जानगराव दोनबोदो आरो नासयबोदो। गुबुन गुबुन जौगालु बिथांखिफोरजो लोगोसे बिजेपि दैदेननाय सरकारआ साखि थिसन्थायावबो खेलेंखारि सोमजिहोदो आरो जाख्लबोदो। बिजेपि हान्जानि पि आइ पि दैदेनगिरिफोरा एस आइनि साखि थिसन्थाय खेलेंखारिनि आन्दोयाव लोब्ला दं। जायनि थाखाय राइज्योयाव रंगैगौथि गोनां आरो मोन्नो हाथाव बिजाथिफोरखौबो गावसिनि मोन्थायनिक्राय जानगराव थाहोनो नाजाबाय थादो। राइज्योयाव गासै सुबुंफोरनि थाखाय मोजां खुंथाय मावफुंनयाव फेलें जानायनि थाखाय गिबि मन्थि सर्बानन्द सनवालआ गिबि मन्थि मासिखौं नागरनांगौ होनानै कंग्रेसआ दाबि दैखाबो। दिनैनि बे हाबाफारियाव बाहागो लानानै कक्राझार जिल्ला कंग्रेस आफादिनि आफादगिरि आरो बि टि सिनि बारग' एम एल ए ममिनु इस्लामआ आसाम पुलिसनि एस आइ साखि थिसन्थायाव सोमजिनाय खेलेंखारिनि थाखाय राइज्यो सरकारखौं गोखौं रावजो सोंखारियो आरो बे खेलेंखालि सोमजिनायनि सायाव सिबिआइनि नायबिजिरनानै लोब्बा थानाय गासै दायनिगिरिफोरखौ सिनायथिनो आरो साजा होनो थाखाय गोखोडे दाबि देखाडो। बेजो लोगोसेनो उतर प्रदेशआ हात्रास गंग रेप आरो बुथारनाय जाथायखौ रायखानानै ममिनु इस्लामआ मिरु आरो आसाम सरकार खुंथायनि गोहोयाव थानाय बिजेपि दैदेननाय सरकारआ हादत आरो राइज्योयाव आइजो माहारि आरो हिन्जावसाफोरखौ रैखाथि होनायाव आवुडे फेलें जादो होनानैबो गोखोडे अजद होबावदो।

## ठेकियाजुलियाव कंग्रेसनि सावराय मेल खुदो

(1 बिलाइनिक्राय) अंगनबादि फरायसालि थानाय हिसाबै सानैल' फोरिंगिरि आरो हेल्फारआ खामानि मावनो खालु मोनो। नाथाय फैबाय थानाय समफोरव जो दरसे गामियाव सानैनिक्राय सा 8 फोरिंगिरिफोरखौ अंगनबादि फरायसालियाव थिसन्नायनि थांखि लादो। लोगोसे आधिखालाव देहा बिफानयाव खामानि मावनोनाय आसा कर्मिफोरखौबो अरायथा साखियाव थिसन्नाय जागोन आरो आधिखालाव बिजेपि सरकारआ अरुन्दय बिथारिनि आवथायाव गोरिब नख'रफोरनो दानफयाव 830 रां होनायखौबो 2 गुन खालामनाय जागोन होनानै फोरमायथियो। कंग्रेसनि आफादगिरि रिपुन बराआ बुंभावोदि, पुलिस बिफाननि एस आइ मासियाव साखि थिसन्थाय आन्जादिनि सोमजिनाय खेलेंखारिनि सायाव सिबिआइनि संदानो बिजेपिनि फोसावनयाबो नंखाय। मानोना पुलिस बिफाननि गोजो थाखोनि डिजिपिनि सायाव सिबिआइआ संदानो हाया। बेनि थाखायनो बिजेपि सरकारआ साखि थिसन्थायखौ लानानै फावथिना खालाम्पसिनो होनानै गोखौं रावजो सोंखारियो। दिनैनि बे हाबाफारियाव रिपुन बराजो लोगोसे आसाम प्रदेश कंग्रेसनि राइज्योयारि नेहाथारि नुरुल हुदा, प्रदेश कंग्रेसनि गाहाय बुंथिगिरि अपुर्ब भत्ताचार्य, सनिपुर् जिल्ला कंग्रेसनि आफादगिरि माधव गस्वामी, बरसला बिबायनि बारग' एम एल ए तंकराइ बाहदुर'मोनहाबो बाहागो लादोमोन।

5.2 An Advisory Committee comprising representatives of Government of Assam, BTC and Bodo-Kachari Welfare Council shall be set up to identify specific developmental needs of Bodo villages outside BTAD and advise the State Government.

प्रमद बर'आ बे दाथायनि थिंरंथा लानायखौ रायजोनो हगारा लासे, गावनिफ्राइ थि मानसे थांखि फोसावनो गोनां दंमोन। नाथाय सानख'नो हायै रायजोनो थांखि लानो हगारनानै, बियो गोबां बेले-बेजे थासारियाव खोलैना होबाय। गावजो गाव गोरोबलायै थासारि सोमजि होबाय। बिखायनो जागायनो लानाय समावनो बेखौं सोदानानै लानो हायाबा, इयुनाव बायजोनि बर'आ लेथेर फेथेर जाहैनायनि गिनांगो दसे, आरो बेखौनो हँथा गोहोआ नाजादो। दानानै होबानो जाया, बिनि गोहो आरो मावनायनि खान्थियाबो रेखा जानांगौ। थगाय जानाय जानो नाड॥

ब्रैथियाव, बर' रावखौ आसामनि लोगो सरखारी राव हिसाबै बाहायनो राहा लानाय। बेबो सान्नो गोनां। 1984 मायथायाव हितेश्वर सङ्कीया आसामनि गिबि मन्त्री जानाय बै समावनो, बर' रावआ गासै आसामाव नडब्लाबो, कक्राझार जिला आरो अदालगुरि साब डिबिजिन'आव आसामनि लोगो सरखारि राव हिसाबै गनायथि मोन्दो। दायो 26 बोसोर बारलानाया उनाव, बर' रावआ मुलुग सोलौंसाली थाखोसिम आयदा राव हिसाबै थिसन जाबाय, बे रावआ 2003 मायथायाव डाइनिथि फारिलायाव थिसन जाबाय, लोगो लोगो भारत होदोरनि बियो मोनसे सरखारी राव हिसाबै गनाय जाबाय।

खान्थि बादियै बर' रावआ दायो आसामनि मोनसे सरखारी राव। जायनि थाखाय बिटिचि गोरोबथानि उनाव असमीया नड, नाथाय बर' रावआ बिटिचिनि गाहाय सरखारी राव हिसाबै गनायथि होजादो। नाथाय दायो बर' रावआ आसामनि लोगो सरखारी राव हिसाबैसो फिन गनायथि मोनफिनो गोनां जायोबा, हमनानै लादो, बिटिचिनि गाहाय सरखारी रावआ असमीया जाफिनो लाबाय। बर' रावनि मानखौं गाहाइ खालामनाय जाबाइ। लासिं सिं।

बिटिचि आरो बायजोनि बर' फोरनि दानि हाल सालखौं लानानै सान्नो हाग्रा सुबुंफ्रा जोबोद गोजोन्नया गयै जादो। दायो हरिनि माहारी आरो राजखान्थि थासारिया जेनाजो जोबोरे नारसिन जाबाय। बिटिचि मोन्या उनाव हालामनि बर' आरो गुबुन हासिसाफ्रा इसेबाबो जौगानो लानाय समाव, बिटिआर गोरोबथा जानाय लोगो लोगो, हारि आरो हालामनि थासारिया, हरखाबै गात्रि फासै थाफिनो लानायनि सो गिनाया फैदो।

गोरें गोर आरो गोबांथार रायजो राजाया आसाम सरखारनि गिखंथाव बर' बेरेखा खैसार सानो लानायखौ मोन्दानानै खुत्रिनायजो हँथा होनो लादो। नाथाय इडपिप्लेनि आफादगिरि प्रमद बर' आरो एबचुनि आफादगिरि दिपेन बर'आ, आसाम सरखारनि गात्रि सोलोजो मावनो लानायखौ, लागुथार बरायनाय आरो बाखनाय नाय आचार जोबोरे दुखु मोनथाव आरो लाजिथाव जादो। फासैथि, माहारि आफाद एबचु नि आफाद गिरिया, आफादिनि गोथार आखुथायखौ थारलाय नोेगाारनानै, गाव हासि मुनाफानि थाखाय, सोरखा फायखारि नेता एबा बर' बेरेखा राजखान्थि नेतानि आखायाव, मोखा मोसानाय आरो रायजो राजानि गोथार हाबिलाखौ गाफलेनो लानाया, दुखु नांथावल' नड नाथाय जोबोरे मुगैथाव।

**किशर बसुमतारि**  
फन: 9101573832



# मदि सरकारआ मोन्नै गिदिर आयेनखौ सोदांनायनि राहा लानो सिगांबोबाय

# अनलाइनाव सोलोंथाय लानाय समाव थि बिबांनि सोरां दोन्नाया गाहाम:देहा मन्थि



**हाइद्राबाद, 5 अक्ट'बर:** मन्थिजी किशन रेड्डी आ बुनाय बायदिव्ला, मिरु सरकारआ आइपिसि आरो सिआरपिसिआव सोदांनाय लानाबायनि यजना बानायगोसिनो दड्डा अम्बरपेट बिधानसभा ओन्सोलाव गं 280 था सिंसिदिभि नेटवाकनि

हादतआव फरायसाफोरनि आइन, दायनिगिरि आरो गुबुन गोनां आयदानि सोमोन्दै गियान बायनयावा हेफाजाव होगोन। माहारियारि फरेन्सिक बिगियान मुलुग सोलोंसालि आरो माहारियारि रैखाथि मुलुगसोलोंसालिखौ गइसन्नो थाखाय थानाय दानाव लकसभा आरो राइज्यो सभायाव मोन्नै बिलखौ फास खालामदों मोन। बिथाडा बुंबावयो मिरु सरकारनि रैखाथि शहर बिथांखिनि गेजेरजों हाइद्राबादआव थानाय 8 था शहरफोरखौ सायख'बाय। राइज्योआरि रैखाथिनि बिथिडाव बिबानगिरिफोर, जरखायै पुलिसनि मदत खालामनारयनि थांखिजों क्लज सर्किट के मेरा फसनाय जाबाय।

**गोदान दिल्ली, 5 अक्ट'बर** : सान्डे संबाद'नि गेजेरजों ससियेल मिडिया फलआस'फोर जों बाध्वा सावरानानै मिरुयारि सावधि मन्थि हर्षबर्धनआ अनलाइन क्लासनि सायाव सावरायो। बे समाव बिथाडा बिमा-बिफाफोरखौ मबाइल, लेपटप एबा कम्पुटारनाय अनलाइन क्लास लानाय समाव केमेरायाव थि बिबांनि सोरां लाखिनो थाखाय बुडें। बेजों मेगनाव बारा गोहोम गोग्लेया। जागाय जेन्नायनिफ्राय 8थि थाखोसिमनि गथ'फोरनि थाखाय बांसिनै 45 मिनटनि मोन्नै जधुमाखौ सामलायनो हागौ। बेराफासैं 9थि थाखोनिफ्राय 12 थि थाखोनि फरायसाफोरनि थाखाय बांसिनै 45 मिनटनि मोनब्रै जधुमा



सालायनारयनि गनायथि होनाय बांसिन समखौ 30 जादों। बिसोरनि अनगायै मिनटिसिमनि थि खालामनाय नासरीनि गथ'फोरनि थाखाय जादों होन्नाै बिथाडा बुंदों। सानसेयाव अनलाइन क्लासनि बे समाव मिरुआरि

मन्थिआ गुबुन गुबुन थाखोनि फरायसाफोरनि थाखाय अनलाइन क्लासनि समखौबो मख'दों। मख'नो गोनांदि, करना महामारिनि जाहोनाव मुलुग नाइँनि गथ'फोरा अनलाइन क्लास लानांदों। बेनि गेजेरजों देहा फाहामथाइ बिगियानगिरिफोरनि बुंनाय बायदिव्ला, बांसिन समसिम मबाइल, लेपटप एबा कम्पुटारनि स्क्रीनि सिगाडाव थावाय थानायजों गथ'फोरनि मेगनाव गोहोम गोग्लैनो हागौ। बेबायदि समाव गोबां सांरां जानायनि गोनांथि दड्डा।

## वर्ल्ड हेबिटेट डेखौ अक्ट'बरनि गिबि समबाराव खुंनाय जायो

**गोदान दिल्ली, 5 अक्ट'बर** : बोसोरफ्रामबो अक्ट'बर दाननि गिबि समबाराव हम वर्ल्ड हेबिटेट डेखौ फालिनाय जायो। बेनि गाहाय थांखिआ थागा न', जागा आदार आरो सि-जोमनि सोमोन्दै जाखिखां होनाय। वर्ल्ड हेबिटेट डेखौ गिबि खेव 1985 याव इउएन महासभानि गेजेरजों फोसावनाय जादोंमोन। बे सानयाव इउएननि मोजां न'नि बेबस्थाजों सोमोन्दो थानाय जाथायफोर, हान्था मेला, जौगाखां यजनाफोर आरो सुघांनायनि सोमोन्दै सावरालायनो हागौ। बे बोसोरनि बेनि टीमया जादों- 'सभी के लिए आवास: एक बेहतार शहरी जिवन'। भारतआव आगुयाव इन्दिरा आवास, राजिब गान्धी आवास यजनाफोरखौ सालायनाय जाखांबाय, जायजों निखावरिफोरनो न'खौ जागायना होनाय जायो। गाहाय मन्थि नरेन्द्र मदियाबो 2015 याव प्रधान मन्थि आवास यजनाखौ जागायजेन्दोंमोन, जायनि थांखिया 2022 सिमाव हादतनि गासिबो नोगोरारिफोरनि थाखाय पावकानि न'खौ जागायना होनाय।

## भारतीय रेलवेनि हिन्दी रावजों कम्फार्मेंसनि एसएमएस होनायनि हेँथायै अजद होदों

**चेन्नाइ, 5 अक्ट'बर** : तमिलानडुआव इ-रेल टिकेट कम्फार्मेंसखौ हिन्दीआव एसएमएस दैथायहरनायनि हेँथायै अजद होदों। डिएमकेनि एमपिफोर आरो पिएमकेआ बेखौ जरजुलुमै हिन्दीखौ नारसोमना होनाय होन्नाै बुं दों। खोला रेलवेनि बिबानगिरिफोरा बे केसनि सायाव बुंदोंदि, बे आयदाया गावसोरनियव गोग्लेया। बेखौ आइआइसिडिसिनो मिबथिहोनाय जाबाय। डिएमकेनि एमपि टी थंगापान्डियनआ टुइटाआव



मोन्नाय हिन्दीनि एसएमएसखौ सेयार खालामदों आरो बुंदों, मिरु सरकारआ हिन्दीखौ नारसिन्ना होआ होन्नाै खोथा होदोंमोन। नाथाय बेयो बबेबा नडा बबेबा जाहोन दिन्थिनानै बेखौ खालामगासिनो। जाय राइज्योफोराव हिन्दी रावआ गाहाय राव नडा बेफोर राइज्योफोराव बेखौ थाबैनो बन्द खालामगां गो। तमिलनाडुनि सुबुंफोरा हिन्दी राव मोन्नाय एसएमएसखौ बुजिनो हायाखै। मिरु सरकारा राइज्योनि गुबुन सुबुंफोरनि सान्नाय हनायखौ बुजिनो। पार्टिनि गुबुन एमपि कलीमरीआबो बेखौ हेँ था होदों। फार्सेथि मिरुनि एनडिए सरकारनि हे फाजाबगिरि पिएमकेआबो हिन्दीनि एसएमएस हरनायखौ अजद होदों। पिएमकेनि गायसनगिरि डा. एस रामदासआ दाय जावसिनदोंदि, तमिलनाडुआव इ-टिकेटनि एसएमएसखौ साननिफ्रायनो खालि हिन्दीजौल'दैथायहरदों। बेयो हिन्दी राव रायज्जायै सुबुंफोरनो हिन्दीखौ नारसोमना होनाय। रेलवेआ बेखौ होबथानांगौ। तमिलनाडुआव मिरु सरकारजों सोमोन्दो गोनां गासैबो फोसावदिखौ तमिल आरो इराजी रावजों फोसावनांगौ।

## मिज 'रामआव दासिम करनाजों सासेबो जिउ गोमायाखै

**आइजल, 5 अक्ट'बर** : हादतआव सानफ्रोमबो गोदान केसफोरखौ मोनगासिनो। फार्सेथि सा-सान्जा राइज्योनि मिज'राम राइज्योआव करनानि गोहोम गोग्लैनायखौ खम नुनो मोन्दों। बेयाव दासिमबो सासेबो करना इनफेक्सन जानाै जिउ गोमायाखै। थानाय 24 घन्टायावबो गोदानै करनानि मोनसेबो केस मोनाखै। राइज्योनि फोसावदि आरो सुबुंफोर जों सोमोन्दो लागा बिफानआ समबाराव बे खौरांखौ होदों। राइज्योनाडे इनफेक्सन सन्देरनाया गासै सा 2,120 जाहैबाय। बेनि सा 313 आ एक्टिभ केस आरो सा 1,807 आ देहा फाहामसालिनिफ्राय डिासासै जालांबाय। हादतनाडे थानाय 24 घन्टायाव 74,442 गोदान केस मोन्दों आरो सा 903 बेरामिफोरा जिउ गोमादों।



भारतआव गासै इनफेक्सननि केसआ 66,23,816 सिम सौहैबाय, जायनि 9,34,427 आ एक्टिभ केस आरो सा 55,86,704 बेरामिफोरखौ छुट्टि होनाय जाखांबाय। हादतआव गासै सा 1,02,685 थैबाय। मुलुगनाडै करनाजों भुगिनाय बेरामिफोरा सा 3 कौटि 50 लाख 75 रोजा 423 जाहैबाय आरो सा 10 लाख 36 रोजा 95 थैबाय। बेखौ आमेरिकानि

## मा जाहोननि थाखाय भारतयाव बांग्रि मावबाय थायो ?

**कलकाता, 5 अक्ट'बर** : भारतनि गुबुन गुबुन बाहागोयाव बांग्रि मावनाया फरशाक आरो स्वार्मनि फिनजाथायमोन। जिएसआइनि लेडड बिथोनगिरि डा: सन्दीप समआ बुंदों, फरशाक आरो स्वार्मनि थालाय-फैलाय खालामनायजों मोनथिनो मोन्नाय जादोंदि, हा सा बाहागोनि गाहायाव प्लेटफोर सौग्रावनायजों जेनाया बांदों आरो बेखौ संदानायजों गिदिर बांग्रि मावनायखौ सिगांग्रो ह मदांनो हानायाव मदत मोनगोन। हा सा बाहागोनि बिगियाननि रावयाव फरशाकनि ओंथिया जादों एसेल' गोहोनि बांग्रि मावनायखौ मोन्दांथिनाय आरो स्वार्मनि ओंथिया जादों दसे दसे समनि उनाव बांग्रि मावबाय थानाय। खम गोहोनि बांग्रिया हिमालयनि सा-सान्जा

आरो सा सोनाब ओन्सोलाव मावदों। दिल्लीनि माहारियारि राजथावनि ओन्सोल, सोनाब गुजरात आरो सोनाब महारास्ट्रनि ओन्सोलखौ बांग्रि मावनायनि गोहोम गोग्लैनाय जन 4 आरो 5 याव दोन्दों। बेनि सिगांबो बे ओन्सोलाव खम गोहोम गोग्लैनाय बांग्रि मावनायनि रेकड'खौ खालाम खांबाय। जिएसआइनि बिगियानगिरिनि बादिब्ल्ला हिमालयनि सा-सान्जा आरो सा-सोनाब बाहागोयाव प्लेटफोरा सौग्रावनायनि जाहोनाव बांग्रि मावयो। बेयो भारतीय आरो इउरेसियाइ प्लेटफोरा सौग्रावनायनि ओन्सोल। सोनाब ओन्सोलथंजाय दै बाना लोमसावनायनि जाहोनाव बांग्रिया मावदों।

## मोब्लिब खोन्दोखौ गावयारि खालामनो सरकारनि थांखि लानायनि हेँथायै मोब्लिब मावसुमाफोरा सोमावसारदों

( 1 बिलाइनिफ्राय ) सोमावसारनाय हाबाफारि बान्जायो। कक्राझार सार्कैलनि सिडाव थानाय सा 100 नि बांसिन मोब्लिब मावथिफारियाफोरा दिने कक्राझारनि एपिडिसिएल मावनखुलिनि दरखं मोखाडव सोमावसारनाय बे हाबाफारियाव बाहागो लानानै हादतयाव मोब्लिब खोन्दोखौ गावयारि खालामनो सरकारनि थांखि लानायनि हेँथायै गोखोडे गारां देखाडो। मोब्लिब मावफारिया आफादया मिरु सरकारनि बे थांखिखौ आसामनि एपिडिसिएलनि मावथिफोरा माक्लाबाबो गनायनो हानाय नडा आरो बेखौ गोखों हेँ था खालामगोन होन्नाै फोरमायो। लोगोसे गुबुन राइज्योयाव खालामोब्लोबो आसामयाव एपिडिसिएलनि गासै मावथिफारियाफोरखौ खामानियाव लाखिनांगो होन्नाै सरकारनि थांथियाव दाबि देखाडो। बे सोमावसार हाबाफारि बान्जायनायनि गेजेरजोंनो मोब्लिब मावफारिया आफादया राइज्योनि गेजेराव एपिडिसिएलनि गासै मावफारियाफोरनि रैखाथिनि थाखाय राहा लानो सरकारखौ खावलायो। आफादनि दैदैनगिरि प्रबिर मित्रआ हादतयाव मोब्लिब खोन्दोखौ गावयारि खालामनो थांखि लानायखौ माक्लाबाबो गनायथाव नडा आरो बे सरकारनि थांखिखौ गोखोडे हेँ था खालामगोन होन्नाै फोरमायथियो।

## सरकारि एजेन्सिफोरा थांनाय सप्ताहसेयाव 5.7 लाख टन माय बायदों

**गोदान दिल्ली, 5 अक्ट'बर** : सोलिफु खारीफ सिजन बाहायनाय जागायनायनि से सप्ताह आवनो सरकारनि एजेन्सिफोरा आबादारिफोरनिफ्राय मिनिमाम बेसेने 5.7 लाख टननि बांसिन मायखौ बायना लादों। पान्जाव, हारियानाजों लोगोसे उत्तर प्रदेशआव माय बायनाया लासै लासै बांगासिनो। मिरुनि बाहायगिरिनि केसफोर, जागा आदार रान्ना होगो मावख'निफ्राय रबिबारआव फोसावनाय बादिब्ल्ला, सोलिफु खारिफ सिजन बायनाय 2020-21 आव थांनाय 3 अक्ट'बरसिमआव



5,73,339 टन माय बायखानाय जाबाय। मावख'आ फोरमायदों एमएसपिआव 1,082.464 कौटि रानि माय बायखानाय जाबाय आरो बेनि मुलाम्फाखौ 41,084 आबादारिफोरा मोन्नो हादों। मिरु सरकारआ सोलिफु सिजननि थाखाय 495.37 लाख मैट्रिक टन मायरं ब लागोनखौ हमादना लादों। जाय के एमएस 2019-20 नि खारीफ फसलनि 416 लाख टन बायनो हमादनायनिफ्राय 19.07 जौखोन्दो बांसिन।

## त्रिपुरायाव कभिड-19 जों सुबुंफोरनि सन्देर जानाया 26 रेजानिबो बांसिन जाबाय



**आगरतला, 5 अक्ट'बर:** सा-सान्जा राइज्योफोरनि गेजेराव त्रिपुरायावबो कभिड-19 जों सन्देरजानाय पजिटिभ केसखौ सुबुंफोरनि देहायाव गोदान गोदानै मोनबाय थानाया रेकड जादों। त्रिपुरा देहा बिफाननि मोनसे बिबानगिरि सुलुडा फोरमायनाय बायदिव्ला थांनाय 7 साननि गेजेराव त्रिपुरायाव सा 26 सुबुंफोर फाहामथाय लानाय समाव कभिड-19 जों जिउ ख'हा जादों। बेजों लोगोसे

मोन्दों। बेजों लोगोसे राइज्योयाव रबिबारसिमनि गेजेराव जागायजेन्नायनिफ्राय लानानै सा 26,874 पजिटिभ केसखौ मोन्नो हादों। नाथाय फाहामथाय लानायनि गेजेरजों रबिबारखालि सा 4,699 सुबुंफोर गाव-गावनि न'फार्से मोजां हालोदजों गिदिलांफिनो हादों। बेजों लोगोसे सुबुंफोरनि कभिडजों थैनाय अन्जिमाया राइज्योयाव 296 जाबाय होन्नाै मिथिहोदों। त्रिपुरा नि गुबुन गुबुन देहाफाहामसालियाव कभिडजों सन्देरजानानै दासादि सुबुंफोरखौ फाहामथाय होबाय थानायनि समावनो माखासे सुबुंफोर जिउ गोमादों। मख'नो गोनांदि, राइज्योयाव सानफ्रोमबो गोदान गोदान पजिटिभ केसखौ टेस्ट खालामनायनि गेजेरजों मोन्नो हादों। दासिम सा 99,773 सुबुंफोरनि देहायाव कभिड टेस्ट खालामनाय जादों।

No.UDP.666/Orunodoi/UDL/2020/42  
NOTICE INVITING TENDER  
Sealed quotation affixing non-refundable court fee stamps worth Rs 8 25 (Rupees eight and twenty five paisa) only are hereby invited from the reputed printing press having registration of GSTN/PAN Card etc for supply of the following items to the Deputy Commissioners Office, Udaiguri for implementation of the scheme "Orunodoi". The last date of receipt of the quotation is fixed on 07.10.2020 upto 03.00 P.M. and will be opened at 04.00 P.M on the same day. The quotations/representatives may remain present while opening the quotation

Sl. No.	Particulars	Description	Rate
1	Printing of Forms (Colour) (Single) (A4 Size)	Per Form	
2	Printing of Forms (Colour) (Both side) (A4 Size)	Per Form	
3	Printing of Forms (Black & White) (Single) (A4 Size)	Per Form	
4	Printing of Forms (Colour) (Single) (Legal Size)	Per Form	
5	Printing of Forms (Colour) (Both side) (Legal Size)	Per Form	
6	Printing of Forms (Black & White) (Single) (Legal Size)	Per Form	
7	Flex (4x8,4x6) (Black & White)	Per No.	
8	Flex (4x8,4x6) (Black & White)	Per No.	

Terms & Conditions:  
1. The rate fixed shall remain valid for 1 (one) year from the date of acceptance.  
2. Overwriting in the quotation paper will not be entertained.  
3. Rate against each item should be clearly written both in figure and words.  
4. It is not binding on the undersigned to accept the lowest rate.  
5. The undersigned reserves the right to accept or reject any or all quotations without showing any reason therefor.  
6. Forms are to be supplied as and when it is required.  
7. Payment will be made as when fund is received from Govt.  
8. Should have own printing press.

Sd/-  
Deputy Commissioner,  
Udaiguri  
JANASANYOG/C/5326/20

### अन्स जबेउआ फ्रेन्स अपेनाव प्रि क्वार्टर फाइनालसिम सहैनो हानाय सउदी आरबनि गिबि आइजो टेनिस गेलेगिरी

पेरिस, 5 अक्ट'बर: कभिड-19 नि गेजेरावबो गोखों रैखाथिनि गेजेरजों दासान्दि सोलिबाय थानाय बोसोरनि जोबथा ग्रेन्ड-स्लेम फ्रेन्स अपेनिनि प्रि क्वार्टर फाइनालसिम सहैनो हादों आइजो गेलेगिरी अन्स जबेउआ। बेजों लोगोसे फ्रेन्स अपेनिनि प्रि क्वार्टर फाइनालसिम सहैनो हानाने जबेउआ साउदी आरबनि गिबि आइजो टेनिस गेलेगिरी जानो हायो। मिथिनाय बायदिव्ला जबेउआ गावनि गेलेनाय मेचखों बेलासुनि गेलेगिरी अरिना सबलेंकानि हेंथायै गासै 7-6, 2-6, 6-3 सेट पइन्टआव देरहानो हानायजों प्रि क्वार्टर फाइनालाव सहैनो हायो। बेनि सिगां 2017 नि फ्रेन्स अपेनाव बेलासुनि गेलेगिरी अरिनाया साउदी आरबनि गेलेगिरी जबेउखों 3 थि राउन्डआव फेजेन्ने हादोंमोन। बेनि उनाव साउदी आरबनि गेलेगिरीआ 6 बोसोर समसिम फारियै मोन 14 खेब ग्रेन्ड-स्लेमआव बाहागो लादोंब्लाबो मोनसेबो ग्रेन्ड-स्लेमखों देरहानो हायाखें। दासान्दि साउदी आरबनि गिबि आइजो टेनिस गेलेगिरी जानो हानाय जबेउआ प्रि क्वार्टर फाइनालसिम सहैनो हानायखों गोजेन्नाय फोरमायनायै फेगो राउन्ड मेचखोंबो देरहागोननि मिज्जिधदों। मख'नो गोनांदि, 2011 नि जुनियर फ्रेन्स अपेनिनि टूरिपखों जबेउआ



देरहानो हादोंमोन। बेनि गेजेरजों सेनियर थाखोनि फ्रेन्स अपेनावबो बाहागो लानानै गावनि गोखों गेलेनायजों देरहानायखों सोलिहोबाय थादों साउदी आरबनि आइजोआ। गावनि देरहानायखों लानानै जबेउआ बुडोदि, बेलासुनि गेलेगिरी अरिनाया सासे मुलुगनि गोखों गेलेगिरी। नाथाय मेचनि गेलेनायाव बेनि हेंथायै माखासे सोलोजों गेलेनायै देरहानो हादों होन्नायै बुडो। □

### फ्रेन्स अपेनिनि 4 थि राउन्डआव पेट्रा किटभा, राफेल नाडाल

पेरिस, 5 अक्ट'बर: दासान्दि सोलिबाय थनाय फ्रेन्स अपेनि टेनिस टूर्नामेन्टनि मेचफोरखों गेलेगिरीफोरनि गेजेराव मोगा-मोगि गेलेनाय नुनो मोन्दों। फ्रेन्स अपेनिनि आइजो सिंगेल्स गेलेनाय 3 थि राउन्डनि मेचखों सेक गन 'रइज्ज्यनि गेलेगिरी पेट्रा किटभाया गोखोडे गेलेनायै 18 बोसोर बैसोनि लाइमोन गेलेगिरी लेयलाह फानांडेजखों गासै 7-5, 6-3 सेट पइन्टआव गोरलैयैनो फेजेन्ने हानाने 4 थि राउन्डयाव सहैनो हादों। मुलुगनां रेंकिनि बाराग' सेथि आइजो गेलेगिरी पेट्राआ फेगो मेचखों चीन हादतनि गेलेगिरी झांग सुइनि हेंथायै मोगा-मोगि गेलेगोन। बेजों लोगोसे अष्ट्रेलिया अपेनिनि देरहासर जानाय गेलेगिरी सपिया केनिनआबो गावनि गोखों गेलेनायजों रमानियनि गेलेगिरी इरिनाखों 6-2, 6-0 सेट पइन्टआव गोरलैयैनो फेजेन्ने हादों। गुबुन फारसेथि 8 थि सारियनि गेलेगिरी आर्यना साबालेंकाया गोखों गेलेनायनि गेजेरजोंबो जेन्नायखों जोबथायाव सिमान लानांदों। साबालुंकाया गेलेनाय मेचखों साउदी आरबनि गेलेगिरी अनास जबेउरनि आखायाव गासै 7-6 (9-7), 2-6, 6-3 सेट पइन्टआव जेन्नादोंमोन। गुबुन फारसेथि हावाफोरनि सिंगेल्स राउन्डनि मेच गेलेनायावबो स्पेइनि राफेल नाडालआ दासिम क्वार्टर फाइनालाव सहैबाय। गावनि गेलेनाय केरियाराव मोन 13 खेब देरहानो थांखि लानाय स्पेइनि राफेल नाडालआ गोखों गेलेनायै 20 बोसोर बैसोनि लाइमोन गेलेगिरी सेबिस्टान करदाखों गासै 6-1, 6-1, 6-2 सेट पइन्टआव फेजेन्ने हादोंमोन। मुलुगनां रेंकिनि 2 थि सारियाव जायगा लानानै गेलेनाय राफेल नाडालआ बे मेचखों देरहानो थाखाय गासै 1.55 मिनिट सम गेलेनो गोनां जादोंमोन। राफेल नाडालआ सेमि फाइनाल मेचनि थाखाय क्वार्टर फाइनाल मेचखों आलेकजेन्डर ज्वेरेब आरो जेनिक सिनिरनि गेजेराव गेलेनायै देरहानाय गुबुन सासे गेलेगिरीनि हेंथायै मोगा-मोगि गेलेगोन। दासिम राफेल नाडालआ 19 थि खेब देरहाबोनो हानायनि उनाव थांनाय मेचखों लाइमोन गेलेगिरीनि हेंथायै देरहानायाव गावनि बादायनायखों जोबोद नाजाथावनायनि गेजेरजोंसो जाफुंसारदों होन्नायै बुनायजों लोगोसे आमरिकानि लाइमोन गेलेगिरीखों गावनि हेंथायै जुजिनो हानायाव बाखायदों। □



दोसिम क्वार्टर फाइनालाव सहैबाय। गावनि गेलेनाय केरियाराव मोन 13 खेब देरहानो थांखि लानाय स्पेइनि राफेल नाडालआ गोखों गेलेनायै 20 बोसोर बैसोनि लाइमोन गेलेगिरी सेबिस्टान करदाखों गासै 6-1, 6-1, 6-2 सेट पइन्टआव फेजेन्ने हादोंमोन। मुलुगनां रेंकिनि 2 थि सारियाव जायगा लानानै गेलेनाय राफेल नाडालआ बे मेचखों देरहानो थाखाय गासै 1.55 मिनिट सम गेलेनो गोनां जादोंमोन। राफेल नाडालआ सेमि फाइनाल मेचनि थाखाय क्वार्टर फाइनाल मेचखों आलेकजेन्डर ज्वेरेब आरो जेनिक सिनिरनि गेजेराव गेलेनायै देरहानाय गुबुन सासे गेलेगिरीनि हेंथायै मोगा-मोगि गेलेगोन। दासिम राफेल नाडालआ 19 थि खेब देरहाबोनो हानायनि उनाव थांनाय मेचखों लाइमोन गेलेगिरीनि हेंथायै देरहानायाव गावनि बादायनायखों जोबोद नाजाथावनायनि गेजेरजोंसो जाफुंसारदों होन्नायै बुनायजों लोगोसे आमरिकानि लाइमोन गेलेगिरीखों गावनि हेंथायै जुजिनो हानायाव बाखायदों। □

### ऋषिकेशनिफ्राय लन्दनसिम बासजों दावबायनो हासिगोन



गोदान दिल्ली, 5 अक्ट'बर: सुलुनि बादिव्ला जुन 2021 बासजों दावबायनो हासिगोन। उत्तरखण्डनि दावबायारिफोरनि निफ्राय दावबायारिफोरा थारखाय मोनसे मोजां खौरां। ऋषिकेशनिफ्राय लन्दनखों ऋषिकेशनिफ्राय 21 हाजार कि:मि: नि जान्थायखों

दावबायनानै लन्दनआव सौहैनो हागोन। मोनसे टिपआव सा 20 दाव बायारिफोरा ल 'दिल्लीनिफ्राय लन्दनखों दावबायनो हागोन। बे सिबिथायनि मुंखें इन्क्रेडिबल बास राइड दोन्नाय जादों। बास सिबिथायनि गाहाय थांखिया भारतीय सुबुं सोदोमसि आरो हरिसुखों गुबुन हादतयाव गोसार होनाय। बासजों दावबायनाया 11 सप्ताहयाव फुरा जागोन। बासजों दावबायनायनि सासेनि बेसेना 14 लाख रां जागोन। बे बास बाहानि बेसेनाव बास सिबिथाय, लन्दननिफ्राय रिटानि फ्साइट टिकेट, भीजा टेक्स, सानसेयाव खनै जाग्रा आदार आरो दावबायनाया दंफा देरो। □

### गंगत्री, यमुनत्रीखों प्रसाद यजनायाव लाफादेरनाय जादों

गोदान दिल्ली, 5 अक्ट'बर : तीर्थस्थल आरो धरहर जायगाखों जौगाखां होनो मिरुनि यजनानि गेजेरजों उत्तरखण्डयाव गंगत्री आरो यमुनत्री, मध्य प्रदेशयाव अमरकन्टक आरो झारखण्डयाव पारसनाथखों प्रसाद यजनायाव लाफादेरनाय जादों। बे गोदान जायगाफोरखों सरजाबनायजों पिलग्रिमेज रेजुबेनेसन एन्ड स्पीचुएल, हेस्टिज आगमेन्टेशन ड्राइव' (प्रसाद) नि यजनायाव जायगाफोरनि अन्जमाया बारायनानै 25 राइज्योफोरनिफ्राय 41 जाबाय। यजनानि थांखिया लामा, रेल आरो दैनि हान्था मेला, जोबथा जायगासिम सोमोन्दो लानो हानाय, राव दानस्लायग्रा मिरु,



एटिअम, आबहावाखों गोगोयै लाखिनो हाग्रा गारि-मटर, मोब्लिव गोहोनो फुंखा, पार्कि, गोगो लोंगा दै, खिखरसालि, न'-बां, जिरायसालि न', गुदि फाहामथाय मिरु, आरिसु बाजार, दकान, अखा हानाय समाव थाग्रा जायगा, टेलिकम सुबिदा, इन्टरनेट सोमोन्दो लानायखों जौगाखांहोनाय बादि गुदि बिथाफोरा दंफा देरो। यजनाफोरनि गेजेरजों दासिमाव दर 25 राइज्योफोराव 24 था बिथांखिफोर खों गनायथि होनाय जाबाय। बेनि हमदांन लानाय राइज 727.16 कौटि रां। यजनानि जाग्रायजेन्नायनि उननिफ्राय बे बिथांखिनि थाखाय गासै 331.15 कौटि रांखों फोसावखांयाव

# रंजालि गथ' फोरनि सौरा

## खोमसि हर सिमांनि रानि

नांगौ जोंनो सोरां,  
नांगौ जोंनो उदां,  
थाया जों मालायनि  
आथि सिडाव,  
जाया जों मालायनि बान्दा  
जाया जोंलाय मालायनि-  
थोरसिनि ओंखाम।  
नांगौ जोंनो सोरां,  
दड जोंहा राव,हारिसु सोदोमसि  
लाखिगोन जोंलाय हारिनि नेसांन  
खोमसिखों सोरां होनो।  
नांगौ जोंनो उदां।  
फोसावलांनि समाजनि नेम खांथि  
गात्रिखों गारनानै,  
मोजांखों लानानै,  
धोरमखों सिगाडाव लानानै  
सोरांखों नागिरी दिनि।  
सोरां गैयाब्ला जागोन-  
मुलुगाव खोमसि  
संसार जानायाव जागोन-  
सौग्राव-माग्राव  
बिनि खायनो जोंनो  
सोरां नांगौ।


फै नों अनजालु खाथिआव फै,  
सिमांन मोकथां जों आंजों गेले फै;  
फागुनि आबिरी लाना फै;  
थाखुमा-थाखुमा, आंखोंबो फुनना होफै।  
नुबाय आं नोंखें ददे फांदा-  
हाइली खनाय रुमबां,  
मिनिखेरी गुफुर गावदां,  
फारनै खावलाय जांरां-रां,  
गारांआ नांनि मिलौदो म्नां-म्नां,  
नडा गोसोआ हारां-हाथां।  
लुबैयो आं रजनि, फागुन खौरां,  
सना नों मेहेर हाइनारी आज्ञां-गाजां  
मा मंजों रायदावनो आं, सिगां-सिगां ?  
दाजा नों आंखें लाजिहां-गिहां;  
अन्थाय बिखा नडा रजे आं।  
नों जिडनि थार अनजालु-  
गोर्बो इंसिनि हाइना मुलि;  
होफै बिखायाव गोजोन खुलि,  
दाजा नों सना थगायसुलि,  
नों नडाबा संसारा गोथैसालि,  
मिजिआ आंनि फेलें संगालि,  
थै हाइनानि रजे-  
सिमांन जौल', आन्दो-आन्दो जोदोंसै;  
संसार गाथोना नोंखोंसो नेना दंसै  
फागुन देखोआ हनै, लेंहर बायसै;  
मिथिंगायावो जुलनि इसारासै।

बिरदाव ब्रह्म  
फरायसालि- आलाइ आरण गोजौं फरायसालि

मिस सनजिला मोसाहारी  
गामि- कुलकुमारी

## इथिअ 'पियानि सुरा किताताया लन्दन माराथनखों देरहानो हाबाय

लन्दन, 5 अक्ट'बर: मुलुगनि गोबां खारग्रा एबा स्पीन्टरफोर बाहागो लानाय लन्दन माराथनखों गावनि नांथाव नाजानि गेजेरजों थांखि बायदियै देरहानो हादों इथिअ 'पियानि खारग्रा सुरा किताताया। लन्दन माराथनाव थांनाय 2013 माइथायनिफ्राय फारियै देरहाबोनाय केनियानि रेकर्ड हल्डर भिन्सेन्ट किपसुम्बाखों बे खेबनि लन्दन माराथनाव गिबि खेब फेजेन्ने होनायै इथिअ 'पियानि बादायगिरिया जोबोद गोजेन्नाय फोरमायदों। सुलुनिफ्राय मिथिनाय बायदिव्ला इथिअ 'पियानि 24 बोसोर बैसोनि खारग्रा किताताया लन्दन माराथननि रेसखों 1 सेकेन्डनि फारगथियावो केनियानि रेसार



भिन्सेन्टखों फेजेन्ने हानायाव जाफुंसारदों। अदेबानि 05.41 मिनिटआव इथिअ 'पियानि बादायारिया बे रेसनि फाइनाल राउन्डआव के नियानि बादायारिखों फेजेन्ने हादों। बेजों लोगोसे फाइनाल राउन्डनि फारिलाइयाव इथिअ 'पियानि बादायारि सिसे लेमामाया गासै 2:5.35 समाव खारनो हानानै 3 थि सारियाव जायगा लानो हादों। बे बादायलायनायाव केनियानि रेसार भिन्सेन्टखों देरहानो हागोननि बांसिन मिजिथि लाखिदोंमोनब्लाबो नाथाय से सेकेन्डनि फारगथियावो फेलें जायो। गुबुन फारसेथि मिजिथिजानाय एबा 5 थि खेब लन्दन माराथनखों देरहानो हानाय बादायारि बेकिलेआ जोखोमनि

## फारियै मोन 2 मेचखों देरहानायनि उनाव बार्सिलनाया सिबिला क्लाबनि हेंथायै ड्र गेलेदों

माद्रिद, 5 अक्ट'बर: मुलुगनि गुबुन गुबुन क्लाबफोरनि गेजेराव गुबुन मोनसे गोखोंसिन हान्जा महेर मिथिसार जानाय बार्सिलना क्लाबआ थांनाय हरनि समाव मेचखों ड्र गेलेनायनि गेजेरजोंनो गोजेन्ने गोनां जादों। फारियै मोन 2 मेचखों देरहानो हानायनि उनाव ला-लीगानि 3 थि मेचखों सेबिला क्लाबनि हेंथायै ड्र गेलेदों। मिथिनाय बायदिव्ला मेचनि गेलेनाया सिगां समनिफ्रायनो मोनैबो हान्जानि गेजेराव गोखोंडे मोगा-मोगि जुजिलाइनायखों नुनो मोन्नायनि 8 मिनिटनि गेजेरावो सेबिला क्लाबनि गेलेगिरिया खाव मोन्नायाव गलखों जोसन्नो हानानै 1-0 गलजों बार्सिलनाया गाहाइयाव

पइन्टखों आवगिरिनो हादों। बार्सिलनानि हेंथायै मेचखों ड्र लाखिनो हानायनि सायाव सेबिला क्लाबनि कच जुलिनाया बुडोदि, बे मेचआव हान्जाया जरखा सोलोजों गेलेनायै बार्सिलनानि हेंथायै ड्र लाखिनो हादों। गुबुन फारसेथि बार्सिलनानि जानानै गल होनाय आरो थांनाय बावैसो लिबारापुल क्लाबनिफ्राय फै फिन्नाय फिलिप काउन्टिह'आ बुडोदि, बे मेचआव हान्जानि थाखाय गल होनो गोब्राव जादोंमोन। मानोना बेरेखा हान्जाया गेजेर बाहागोयाव गोखों गेलेनो हानायनि थाखायनो गल होनायनि फारसे बार्सिलनाया गोब्राव जादों। □



थायो। उनाव बार्सिलनायावो गलनि फारगथिखों नोजोर होनानै गोखों गेलेनायाव खाव मोन्नाय लोगो-लोगो हान्जानि गेलेगिरी फिलिप काउन्टिह'आ सोमोनॉथावै पेनाल्टि कर्टनिफ्राय गलखों जोसन्नो हायो। बे गल होनायजों मोनैबो हान्जानि गेजेराव 1-

### कक्राइार, मंगलबार 6 अक्ट'बर, 2020

## एबसुनि थान्दै हान्जाया वि टि सिनि प्रिन्सिपाल सेक्रेटारिखौ लोगो हमदों

(□ *1 बिलाइनिफ्राय*) दिनै बि टि सि सेक्रेटारियेटआव बि टि सिनि प्रिन्सिपाल सेक्रेटारिखौ लोगो हमनानै बि टि आर गोरोबथानि दफाफोरखौ मावफुंनाय आयदानि सायाव गुवारै सावरायनाय जायो । बेजों लोगोसेनो गोरोबथानि दफाफोरखौ मावफुंनायाव दिनबाव खालामाजासे बाङइ समनि गेजेरावनो फारि–फारियै अबुङै आरो गेबेङैजेबो रोखोमनि गोरौन्थि खालामाजासे मावफुंजोबनो हास्थयानानै प्रिन्सिपाल सेक्रेटारिनो एबसुनि थान्दै हान्जाया गांसे गोसोखां बिलाइ गथायो । प्रिन्सिपाल सेक्रेटारिजों सावरायखानायनि उनाव एबसुनि आफदागिरि दिपेन बर्'आ खौरंगिरिफोरजों मोगा–मोगि जनाय समाव फोरमायथिनाय बादिल्ता भारत सरकारआ बि टि आर गोरोबथा बायदियै दफाफोरखौ मावफुंनो बिथोन होनाय बादियै माखासे दफाफोरखौ मावफुंनायनि हाबाफारिया जागायबाय आरो सरकारनि बे हाबाफारि जागायनाया बरायथाव आरो गोजोनथाव । मिरु सरकार आरो आसाम सरकारनि बिथोन बादियै बि टि आर गोरोबथायाव मख'जनाय माखासे सोलोंथाय आरो दारिमिन फसंथानफोर जायसन्नो थाखाय हा हगारनो हास्थयानानै बि टि सि सेक्रेटारियेटनिफ्राय गुबुन गुबुन सार्केल अफिसफोराव लाइजाम दैथायहरनायनि खौरंगखौ मोनो हदों । नाथाय बि टि सि सेक्रेटारियेटनिफ्राय गुबुन गुबुन सार्केल अफिसयाव दैथायहरनाय लाइजामआव मोनसे फसंथान एबा दारिमिन गायसन्नो थाखाय 80–100 बिघा हाखौल' हगानायनि मख'नाय बाध्राखौ नुनो मोन्दों । नाथाय बेखिनिल' हाया मोनसे फसंथान गायसन्नायनि थाखाय थोजासे नङ । बबेखानि मोनसे सोलोंथाय फसंथान एबा दारिमिन गायसन्नो थाखाय खमैबो १,000 निफ्राय १,500 बिघा सिम हानि गोनांथि दं । अक्लासो गोरोबथानि दफायाव मख'जनाय फसंथानफोर गायसन्नाया आबुं महर मोनगोन आरो ओन्सोला जौगानायजों लोगोसे जायगानि थागिबि सुबुंफोरनि जिउ खर हाहायावबो सोलानायाय फैगोन । बेनिखायनो गोरोबथानि जायखि–जाया दफाखौ मावफुंनायाव गोरोबथायाव सागर होगिरि आफदाफर आरो दैदेनगिरिफोरजों सावरायनानै मावफुंनगौनि गोनांथि दं । बेफोर आयदाफोरखोनो लानानै दिने बि टि सिनि प्रिन्सिपाल सेक्रेटारिजों गुवारै सावरायनाय जादों आरो गांसे गोसोखों बिलाइ गथायनाय जादों होनानै दुलाराय बर' फरायसा आफादनि आफदागिरि दिपेन बर्'आ खौरंगिरिफोरनि सिगाडव फोरमायथिबावो ।□

## 1 लाखनिखुइबो बांसिन हा गैजायै नख'रनो रइज्यो सरकारआ हा पात्ता होदों

(□ *१ बिलाइनिफ्राय*) ट्राइबेलफोर रैखाथि जायोक्लासो आसामआ रैखाथि जागोन । आसाम सरकारआ आसामनि थागिबि आरो ट्राइबेल नख'रनि जाति–माति–भेति रैखाथि खालामनायनि थाखाय ज़रैबादि बाध्रा होबोदोंमोन बेनि गेजेरव गोदान हा खान्थिखौ आजवावना लानानै आसामनि १ लाखनिखुइबो बांसिन हा गैजायै नख'रफोरनो हा पात्ता रनानै होनायनि हाथाय दिनै आबुं जाबाय होनानै गिबि मन्थिआ बुङे । बे हाबाफारिआ आसाम सोमावसारनायनि दाबिफोरखौ सुफुंनायजों लोगोसे थागिबि ट्राइबेल नख'रफोरनि जाति–माति–भेति रैखाथि खालामनायनि बिथिडव गेदेर बिफाव लागोन होनानै गिबि मन्थिआ बुङे । हानि सायाव मोन्थाय थायक्ला मोनसे हारिनि इधुनआ रैखाथि गै्या होनानै रयखाना जेब्ला 20१6 माइथायाव आधिखालनि रइज्यो सरकारआ खुंथायखौ सामलायनायनि उननिफ्रायनो रइज्यो सरकारआ थागिबि नख'रफोरनो हा पात्ता रनानै होनायजों बिसोरखौ समान मोन्थाय खालामना होनायनि थाखाय थांखि लादोंमोन होनानै गिबि मन्थिआ बुङे । आसामनि माखासे जिल्लानि खमैबो १ लाखनिखुइबो बांसिन हा गैजायै ट्राइबेल नख'रफोरनो हा पात्ता रनानै होनायजों बिसोरनि हानि सायाव थानाय मोन्थायखौ रैखाथि खालामनायनि फासं रइज्यो सरकारआ बिबान लानानै रहा लादों होनानैबो गिबि मन्थिआ बुङे । गावनि बिबुंथियाव गिबि मन्थिआ आधिखालनि रइज्यो सरकारआ आसाम गोरोबथानि मोनफ्रोमबे दफाफोरखौ मावफुंनायनि बिथिडव गोनांथारै रहा लालांगोन होनानैबो बाध्रा होयो । एनआरफिनि आदाखौ रयखानानै गिबि मन्थिआ बुङोदि, रइज्यो सरकारआ खुंथायखौ आजवावना लानायनि सिगां सानआवनो गिबि मन्थि महरै बिथाड एनआरफिसि मावख'सिम थानानै बे हाबाफारिनि सायाव आबुं खौरां लादोंमोन आरो जौसिन बिजिरसालिआ गेजेरव गोनांथार बिबान लानानै एनआरफिसि दाफामनाय खामानिखौ नायसंदोंमोन आरो रइज्यो सरकारनिफ्राय गोनांथारै सुबुं सम्पद आरो हेफाजाबखौ होनाय जादोंमोन । सरकारआ एनआरफिसि दाफामनाय बिथिडवबो गोनांथार रहा लादों होनानै गिबि मन्थिआ बुङे । बेनि अनगायैबो सरसन्त्ता सुबुंफोरनि गोखोङै हेफाजाव होनायाव रइज्यो सरकारआ आसाम आरो असमौयाफोरनि सार्थंआव रैखाथि खालामनायनि फासं एसेबो आन्त्रायार्षे होनानै गिबि मन्थिआ बुङे । थानाय सानफोराव एनआरफिसि दाफामनायनि फासं रइज्यो सरकारआ सुबुंफोरखौ गोनांथारै बे हाबाफारिखौ मावफुंनो फोसावनायबो जादोंमोन । जेराव आसाम गोरोबथानि 6 नं दफाखौ गাহामे दाफुंनो हानयाव रइज्यो सरकारआ गोनां बिबान लानाय जादों । खुंथायखौ सामलायनायनि उनावनो भारत–बालादेश सिमनाजों नंजावनाय बेरा लुफुंनाय एबा फेन्सि सोंदिनाय खामानिखौबो जायगामाव थानानै नायगिदि हैदों होनानै रयखाना मिरु सरकारनि हेफाजाबआव बे सिमना ओन्सोलाखौ सील खालामनायनि थाखाय गोनांथार रहा लादों होनानैबो बुंबावो । बेनि अनगायैबो बीर मुख्लंफोरनि जिउ बाउसोमनाय आरो बिसोरनि बिहोमाजों आधिखालनि रइज्यो सरकारआ बिसोरनि नख'रफोरनो 5 लाख नं अन्सुंथाय होनाय जादों आरो गावथारजानाय, जोखोम मोनाय नख'रफोरनो खेबसेयै २ लाख नं अन्सुंथाय होदों होनानै मिबथिहोयो । बेबादिनो गुबुन गुबुन बिफाननिफ्राय रइज्योनि सुबुंफोरनो रंखान्थि हेफाजाव होनायाव रइज्यो सरकारआ सिगांबोदों होनानै मिबथिहोयो । मख'नो गोनांदि, दिनैनै हाबाफारिआव रइज्यो सरकारआ माजुलिन हा गैजायै गं ८,४89 ट्राइबेल नख'रफोरनो हा पात्ता रनानै होनाय जादों । बेनि अनगायैबो फैगो दान मोननैनि गेजेरव माजुलिआव आरोबाव ५ रेजा हा गैजायै नख'रफोरनो हा पात्ता रनानै होगोन गिबि मन्थिआ गावनि बिबुंथियाव मिबथिहोयो । बे हाबाफारिआव कमलाबारि चत्रनि चत्राधिकार जनार्धन देब गस्वामी, देवरि गावखुंथाय गौधुमनि गहाय मावफुं सोद्रोमा माधब देवरि आरो माखासे बिबानगिरिफोरबो बाहागो लादोंमोन ।□

### बि टि ए डिनि दाब दाब जिल्लाफोराव बारग'एन डि एफ बिफोरनि सोमावसार हाबाफारि

(□ *१ बिलाइनिफ्राय*) गोरोबथानि दफाफोराव रग'-रग'थै लिरनाय दरुडि बे गोरोबथानि गेजेरजोंनो जोबथेसालियाव थानानाय गासै एन डि एफ बि सोद्रोमाफोरनि हाइनिस आरो न'न हाइनिस केसफोरखौ बोखामनै लानाय जागोन । लोगोसे एन डि एफ बिनि गासैबो सोद्रोमाफोरनो रेहिबेलिटेसन आरो बड'लेन्ड सोमावसारनायाव मुख्लं जनाय नख'रनि सोद्रोमाफोरनो रंखान्थि अन्सुंथाय जगायनानै होगोन । बेराफासं एन डि एफ बिनि गायसनगिरि रन्जन देमारिआबो जोबथेसालियाव थानाय समनि गेजेरवनो बि टि आर गोरोबथायाव माखासे समनि थाखाय जोबथेसालिनिफ्राय उदां जानानै सागान होफैदों । नाथाय एन डि एफ बिफोरनि थाखाय दुखु नांथाव बाध्रादि, बि टि आर गोरोबथा जानाया ८ दान सम बारलांसेयावबो दिनैरिसिमाव बारग' एन डि एफ बिफोरनि थाखाय गोरोबथानि दफायाव ज़रैबायदि मख'नाय दंमोन बेफोर खामानिखौ मावफुंनो जागायनायनि रहा लानायखौ नुनो मोनाखे । गोरोबथाया जानानै थानायनि ८ दान सम बारलांनायनि उनावबो जोबथेसालियाव जोबनानै दोनजानाय गोबंन्थाव बारग' एन डि एफ बिनि सोद्रोमाफोर, दैदेनगिरिफोरा दिनैरिसिम जोबथेसालिनिफ्राय उदां जायाखै आरो बिसोरनि केसआबो बोखारनानै लाजायाखे । मख'जाथावसिन बाध्रया जाबाय बारग' एन डि एफ बिनि गायसनगिरि रन्जन देमारिआ गावबो सासे गोजोन गोरोबथानि सागानगिरि हिसाबे दासिमाव जोबथेसालिनिफ्राय उदां जानो हायाखे । बेराफासं गोरोबथानि दफाफोराव मख'नाय बादियै बारग' एन डि एफ बिनि गासै सोद्रोमाफोरनि रेहिलिबेलेटिसननि खामानिखौबो मावफुंनो सरकार थांखि लानायखौ नुनो मोनाखे । बेखौ लानानैनो दिनै समबारखालि बि टि ए डिनि दरूखे जिल्लाफोर फारियै–कक्राइार, चिरां, बाक्सा आरो उदालगुरिजों लोगोसे राइज्योनि गुबुन गुबुन जिल्लाफोराव बारग' एन डि एफ बिनि मोनब्रेबो हान्जानि गासै दैदेनगिरि आरो सोद्रोमाफोरा सोमावसारनाय हाबाफारि बाज्जयो । बे सोमावसारनाय हाबाफारि बान्जानायनि गेजेरजों बारग' एन डि एफ बिनि दैदेनगिरि आरो सोद्रोमाफोरा बि टि आर गोरोबथानि दफाफोरखौ थाबैनो मावफुंनो जरखायै एन डि एफ बिफोरनि रिहेबिलिटेसन, केस उइङ् खालामनायखौ मावफुंनो दाबि खालामदों । बेबादिनो कक्राइार जिल्लानि जिल्ला बेंगिरिनि मावखुलिनि दरखं मोखाडव दिनै जिल्लानि सिडव थानाय गोबांजो बारग' एन डि एफ बिनि दैदेनगिरि आरो सोद्रोमाफोरा जमा जानानै बि टि आर गोरोबथानि दफायाव मख'नाय बादियै जोबथेसालियाव जोबनानै दोनजानाय गायसनगिरि रन्जन देमारिजों लोगोसे गासै केडारफोरखौ उदां खालामनो बारग' एन डि एफ बिनि सोद्रोमाफोरनो रिहेबिलिटेसन होनो आरो बड'लेन्ड सोमावसारनायाव मुख्लं जनाय नख'रनो रंखान्थि अन्सुंथाय होनो थाखाय सरकारनिसिम दाबि दैखाडो । बे दाबिफोरखौ लानानैनो दिनै सोमावसारनायजों लोगोसे कक्राइार जिल्ला बेंगिरिनि जोहै गिबि मन्थि सर्बानन्द सनवालनिसिम गांसे गोसोखां बिलाइ दैथायहरो । बबेखानि बारग' एन डि एफ बि सोद्रोमाफोरा बि टि आर गोरोबथानि सासे सागानगिरि जानानेबो रन्जन देमारिआ दासिमा जोबथेसालियाव थानानायखौ गोथीयै दुखु मोनाय फोरमायो । बेबायदिनो चिरां, उदालगुरि आरो बाक्सा जिल्लानि दाब दाब जायगाफोरावबो बारग' एन डि एफ बिफोरनि सोमावसारनाया दिने बे एखे दाबिफोरखौ लानानैनो जानानै थाडो । बि टि ए डिनि बाइजोयाव थानाय सनितपुर जिल्लानि डेकिञ्जुलियावबो बारग' एन डि एफ बि सोद्रोमाफोरा बि टि आर गोरोबथानि दफाफोरखौ थाबैनो मावफुंनो आरो बारग' एन डि एफ बि सोद्रोमाफोरनि थाखाय थाबैनो फसंथा रहा जाययनानै होनो दाबि खालामनानै सोमावसारनाय हाबाफारि बान्जायदों । सनितपुर जिल्ला बारग' एन डि एफ बि क–अर्डिनेसन कमिटिया दिनें फुंनि 11.00 रिंगायाव डेकियाजुलि महकुमा बेंगिरिनि दरखं मोखाडव सोमावसारनाय हाबाफारि बान्जानायनि गेजेरजों महकुमा बेंगिरिनि जोहै माखासे दाबिफोरखौ लानानै गिबि मन्थि सर्बानन्द सनवालनिसिम गोसोखां बिलाइ दैथायहरो ।□

## साथाम गोनोखोयारिफोरनो नबेल बान्थाखौ गथायबाय

(□ *१ बिलाइनिफ्राय*) नाजानायाव बे भाइरसखौ होवथानो हानायनि गुबै बाध्राखौ मिबथिनो हादों । लोगोसे बेनि गेजेरजों बे समाव गोदान मुलि आरो व्लाड टेस्ट खालामनायाव जाथावना जागोनदि, जेराव लाख–लाख सुबुंफोरा बे मुलिनि गेजेरजों फाहामथाय लानो हासिगोन । समबारखालि स्ट्कममआव नबेल बान्थाखौ साथाम गेदेमा सुबुंफोरनो गथायनायनि बाध्राखौ फोसावनाय जादों । नबेल कमिटिआ रयखानाय बादिल्ता, बिसोर साथाम गोनोखोयारिफोरनि नाजानाय गोनां खामानिआ हेपाटाइटिसनि सोमोन्दोंआव फाहामथाय लानायखौ आबुङै मदद खालामो । माननि बान्थाखौ गथायनानै होनाय नबेल ज्युरिआ बुङोदि, बे हेपाटाइटिसनि जाहोनआव खर' बाहागो आरो लिभार केन्सारफोरबादि गिथावना बेरमआ सोमजिवो । नबेल कमिटिआ बुङोदि, बिसोर साथाम गोनोखोयारिफोरनि नाजाथाबनानै मावफुंनाय खामानिजों व्लाड टेस्ट आरो गोदान मुलिआ गोरोबलायनो हागौ आरो मुलुगआव लाख लाख सुबुंफोरा जिउ रैखाथि मोनो हागोन । कमिटिआ बिसोर साथामनि बिहोमा होनाय खामानिखौ रयखानानै जोबोद हआथायो आरो साबायख'र जासियो । मख'नो गोनांदि, कभिङ–१९ महामारिनि गेजेरव बे मेडिसिन एवार्डखौ गथायना होनाया जोबोद गोनांथार । सुलुंनि बादिल्ता, नभेल बान्थायाव सनानि मेडेल आरो १० मिलियन सुइडिस क्रूरन एबा १,११८0०० डलारनिखुइबो बांसिन धोन । १२४ बोसोरनि सिगां बे बान्थानि जागायजेनानाय सुडिसि इन्बेन्टर आल्फ्रेड नबेलआ गथायनाय जादोंमोन । बेनि अनगायैबो फिजिक्स, केमेस्ट्री, थुनलाइ, गोजोन आरो रंखान्थि बिथिडव रयखंनजाथावना गेदेर बिहोमा होनो हानाय सुबुं आरो गोनोखोयारिफोरनो बान्थाखौ गथायनाय जायो । मख'नो गोनांदि, हाभें जे अल्टरआ १९३5 माइथायाव आमेरिकानि निउयकं सहरआव जोनोम मोन्दोंमोन ।

सोलोंथाय आयदाखों इउनिभांसिटि अफ रसेस्टर मेडिकेल स्कुलनिफ्राय जागायजेनानै मेडिकेल डिग्रीखौ लानो हादोंमोन आरो इउनिभांसिटि अफ सिउटल एन्ड स्ट्रं मेम'रिएल हिस्पतालनिफ्राय इन्टारसेन्टल मेडिसिनआव फोरौथायखौ लादोंमोन । फासैंथि माइकेल हाउटनआ ब्रिटेनआव जोनोम मोन्दोंमोन । बिथाड किंगस कलेजनिफ्राय १९७७ माइथायाव पिइएसडि डिग्रीखौ लानो हायो । २०१० निफ्राय बिथाड अलबार्द इउनिभांसिटिआव कानाड एक्सेलेन्स रिसार्च इन भाइरलजी आरो सिंग अफ भाइरलजीआव डिग्री लानो हादोंमोन । बे रिसार्चआव बाहागो लानाय थामथि गोनोखोयारि साल्स एमराइजआबो १95२ माइथायाव सैफ्रामेन्कआव जोनोम मोन्दोंमोन । बिथाड १९८१ आव केलिफर्निया इन्स्टिट्यूट अफ टेक्नलजीनिफ्राय पिइएसडि डिग्रीखौ लानो हादोंमोन । २००१ निफ्राय बिथाड सेन्टर फर दा स्टडी अफ हेपाटाइटिस सिनि थाखाय रकपेलेर इउनिभांसिटिआव रिसार्च खालामदोंमोन । बेबादिनो बिसोर साथाम गेदेमा गोनोखोयारिफोर हेपाटाइटिस सि भाइरासनि सायाव फाहामथाय होनो हानायनि टेस्ट आरो मुलि दिहुनो हानायनि थाखाय मुलुगनि देरिसिन माननि नबेल बान्थाखौ आजावनो हादों ।□

### एबसुनि थान्दै हान्जाया बड'लेन्ड मुलुग

### सोलोंसालिनि भिसिनो गोसोखां बिलाइ गथायदों

(□ *१ बिलाइनिफ्राय*) गुबुन फरायसालिमाफोराव डिड्रिनि जोबथा एबा ६ थि सेमिस्टारनि आन्जादखौ 1०० जौखोन्दो नम्बर थानाय खुंनो नागिरनायखौ लानानै जोबथा सेमिस्टारआव फरायगासिनो थानाय गोबां फरायसाफोरानो मिरु एबसुनिंसिम खौरां हरदों आरो अजद होदों । दुलाराय बर' फरायसा आफादया जेब्लाबो गुन गोनां सोलोंथायनि सायावनो खामानि मावबोगासिनो दं आरो मावलांबाय थागोन । नाथाय जोहैथि बोसोराव कभिड–१९ एबा करना भाइरासनि गिलु–बालु साग्लोबनायनि जाहोनाव फरायसाफोरा सोलोंथाय लानायनिफ्राय गोजानाव थानो गोनां जाबेदों । बेनिखायनो गुबुन गुबुन मुलुग सोलोंसालि जै्रै– गुवाहाटी मुलुग सोलोंसालि आरो कटन मुलुग सोलोंसालिया डिड्रिनि जोबथा एबा ६ थि सेमिस्टारनि आन्जादखौ ज़रैबायदि 5० जौखोन्देनि थाखाय खुंनो लाहार–फाहार खालामदों बे एखे रोखोमैनो बड'लेन्ड मुलुग सोलोंसालिखौबो 5० जौखोन्दे नि थाखाय आन्जादखौ खुनो थाखाय बड'लेन्ड मुलुग सोलोंसालिनि भिसिनो गोसोखांलाइ गथयनाय जादों । दिनैनै बे हाबाफारियाव मिरु एबसुनि लोगो सोलोंथाय नेहाथारि अंबित नाजिरी, सुबु फोनांजाव नेहाथारि बिरदाव बर', लोगो थुनलाइ नेहाथारि सुमित नाजिरी, मावख' नेहाथारि बुदिरा बसुमतारिसिंहबो बाहागो लादोंमोन । बबेखानि भिसि गैयैनि जाहोनाव गोसोखां बिलाइखौ इन्सार्च पात्रनो गथायनाय जादों होनानै मिरु एबसुनि सोलोंथाय नेहाथारि कास्टम बसुमतारिआ गांसे रादाव बिबुंसारनि गेजेरजों फोरमाहरदों ।□

## रुंसारि खौरंगिरि दनेस्वर राभानि गोसोखांथि मेलआ जोबलांबाय

(□ *१ बिलाइनिफ्राय*) मेलआ दिनें गहामै जोबलांबाय । टंला प्रेस क्लब आरो कसारिट्ल अरुन्ज्यति संघनि बान्जानयायाव लोगोसेयै दरं–उदालगुरि जिल्ला खौरंगिरि आरो जायगानि रइज्जों–राजफोरनि हेफाजाबआव खुंनाय बे हाबाफारि बादियै फुनि समाव रुंसारि खौरंगिरिनि गोसोखांथिनि गिबि हाबाफारिखौ बेखेवनानै होयो गामिनि सामलाय आफादनि आफादगिरि दन्दिराम राभाया, गोजोननि आलारि बांथिखौ फोजोङे रुंसारि खौरंगिरि दनेस्वर राभानि बिसि सुमित्रा राभाजों लोगोसे नख'रनि सोद्रोमाफोरा । गोसोखांथि मुसुखायाव बिबार बाउयो गागि खौरंगिरि गौतमज्यति तलुकदारआ । लोगोसेयैनो देवमसैफं फरायसालिमानि बिबुंगोरा बिरन चन्द्र राभाया जागायजेनान्या १ मिनिज आर'ज खालामनायजों ब्विनि जोबनायाव गोसोखांथि मेलखौ सामलायो टंला थुनलाइ आफादनि आफादगिरि गौरिशंकर दासआ । फासैंथि बे हाबाफारिआवनो गुबुन गुबुन लिगलिफोरिफोर लिस्नाय खन्थाय–रयथायफोरखौ नन्दन राभानि गेजेरजों सुजुनाय गोसोखांलाइसिखौ बेखेवो भेरगाव मुकुमानि बेंगिरि गकुल चन्द्र ब्रह्मसआ । बे हाबाफारिआव बाहागो लायो कलाइगाव बिधान सभा बिवायबनि बारग' एमएलए महेश्वर बर', थुनलाइ पेन्सन मोनाय धर्षिधर मेधि, दे'खो पेन्सन मोनाय गुरुगिराम राभा, टंला फरायसालिमानि बिबुंगोरा गतेस्वर बरुवा, उ् देबासिस बरा, ३2 नं भेरगाव बिवायनि इउपिपिएलनि बिजाथि दावबाइसा बर'जों लोगोसे आसु, आक्रासु, केएमएसएस, ब्रिटिडि खौरंगिरि गौथुम, टंला, भेरगाव, खैराबारि, उदालगुरि, कलाइगाव, राँता, अरां, माजबाट प्रेस क्लाबनि खौरंगिरिफोरा बाहागो लादोंमोन ।□

### आधिखालनि सरकारआ गुबुन गुबुन बिफानआव सा ८0 रेजा

### लाइमोनफोरखौ अरायथा आरो थिका महरै साख्त्रिआव थिसन्दों: गिबि मन्थि

(□ *१ बिलाइनिफ्राय*) फरायसालिमा गेलेत्रा फोथारआव खुंनाय हा गैजायै ट्राइबेल सुबुंफोरनो हा पाट्ट रान्नाय हाबाफारिनि उनाव खौरंगिरिजों जानाय मोगा–मोगिआव गिबि मन्थि सर्बानन्द सनवालआ बे गोनां बाध्राखौ बुंथिदों । गिबि मन्थिआ बुङोदि, बेफोरबादि आइन बेरेखा खामानियाव लोब्बा थानाय सासेबो सुबुडनो बारग'नाय एवा रेहाय मोन्नाय नङ । आसाम पुलिसआ आबुङै गोगो आरो गेबं खान्थिने गेजेरजों अजद दैखानाय गसरफोरनि सायाव थाबैनो संदानायखौ सोलिहोगासिनो होनानै बे बिथिडव सन्देह गोनां जायखि–जाया सुबुंफोरखोनो सरकारआ रेहाय होनाय नङ होनानै रेखा फोसावदों । मख'नो गोनांदि, कंग्रेसनि 15 बोसोरसिम खुंथायनि समाव गोबां बेले–बेजे गेनाखान्थिफोर नुजाथिनायनि थाखाय हान्जाखौ गोखों रवजों सावरायनानै गिबि मन्थि सनवालआ कंग्रेसखौ गेना खान्थिनि सदागर होनानै बुङे । कंग्रेसआ गेनाखान्थिनि हेंथा होनाय आरो गावसोरखोनो दाय गैयैबादि खालामनो नाजानाय बे बाध्राखौ रयखानानै गिबि मन्थिआ बुङोदि, गावनि खुंथायनि समाव कंग्रेस हान्जया रइज्योआव गेना खान्थिनि दखन खुलिना लादोंमोन । मोनफ्रोमबो बिफानआवनो थिसन्नाय, थिकानि मुडव हान्जानि दैदेनगिरि, मावफारियाफोरा आइन बेरेखायै गेनाखान्थि खालामदोंमोन होनानै फिनजथाय खालामो । गेनाखान्थिखौ कंग्रेसनि दैदेनगिरिफोरा सरकारनि खुंथायाव आग्जु महरै बाहायबोदोंमोन होनानै बुंबावो । २०१6 माइथायाव आधिखालनि बिजेपि दैदेनाय सरकारआ खुंथायाव फैनायनि सिगां कंग्रेस हान्जया गुबुंले खालामनानै खुंथायखौ जैँ–मैरे खान्थि गैयैबादि सप्तजों बारहोदोंमोन होनानै अजद खालामना गिबि मन्थिआ बुंबाबोदि, गावसोरनो गोदोनासिम मन'नानै गुबुननि सायाव गेनाखान्थिनि हेंथायै रजखान्थिनि सोलोजों अजद खालामनाया थारैनो सांखारिथावना होनानै बुङे । गिबि मन्थिआ लोगोसेयै बुङोदि, लकसेवा आयगनि बेले–बेजे खेलेंखारि, गुबुन गुबुन जैरे आबाद बिफान, आबकारि बिफान बायदिफोराव कंग्रेसआ १५ बोसोर खुंबोनानै गेनाखान्थि खालामबोनाया आसामनि जारिमिनआव बयनिखुइबो देरसिन गेनाखान्थि खालामनाय जादों होनानै अजद खालामो । समाज अन्साय बिफाननि गथ'सा जात्रा आदार जगायथायनि गेनाखान्थि बायदिनो नंखाय रेसन कार्ड खालामनानै गोरिब रइज्जों–रजफोरनि थाखाय फैनाय माइरं, आटा बायदि बाङइ बेसेनेनि जात्रा आदार बेसादफोरखौबो कंग्रेसनि दैदेनगिरिफोर लुथिबोदों । बेनि अनगायैबो इन्दिरा आवास यजनानि मुडव गोरिब सिमनानि नख'रफोरनि थाखाय फैनाय न'फोरखौबो गेनाखान्थि खालामनानै हाजोबादि धोन लुथिदों होनानै गिबि मन्थिआ गावनि बिबुंथियाव रयखाडो । आधिखालनि रइज्यो सरकारआ गेनाखान्थिनि देहायै सिगानिफ्रायनो गोखों नेमखान्थि आजवावनाय हाबाफारिखौ रयखानानै गिबि मन्थिआ बुङेदि, होया आरो लाया बे मोननै खान्थिखौ दिनैनै रइज्योनि मोनफ्रोमबो सरकारनि मावख'आव गोखोङै मिबथिहोनाय जादों । गेनाखान्थिआव लोब्बा थानाय भारतीय सिबिथायनि नेहाथारि थाखोनिफ्राय लानानै सिफ इन्जिनियर, खुंगिरि, डिएफए, उन्न खुंग्रिफि, बिथोनगिरि बायदि गोजौ थाखोनि बिबानगिरिफोरखौ जोबथेसालिआव सोनानै दोनाय फासं आधिखालनि बिजेपि दैदेनाय सरकारआ गोखों रहा लानानै दिन्थिनो हादों । गिबि मन्थिआ लोगोसेयै बुंबाबोदि, गाव–गावनि मोदोमाव सिथाबनानै थानाय गेनाखान्थिनि दगोफोरखौ खोमोरनो कंग्रेसआ आधिखालनि सरकारनि मोनफ्रोमबो खामानि–दामानिफोरखौ बेआइने सावरायनानै फैनाया मोनसे नेमखान्थि खालामना लादों । बेबादि सोलो–बोलोजों रइज्यो सरकारखौ गात्रि लामाजों लानानै थानो हाया होनानै फोरमायनायजों लोगोसे बिथाड बुंबाबोदि, बे सरकारआ कंग्रेसनि सायाव नङ, आसामनि बाकसे–बुरुलुथुथु–हाजो–हायेनरि ३ लोेटि 40 लाख सुबुंफोरनि सायाससो बिबाग गोनां सरकार होनानै बुंथियो । सुबुंफोरनि बोसोन आरो बिथोनखौ लानानै सरकारआ अरायसम खामानि मावलांबाय थागोन आरो रइज्यो सरकारआ सुबुंफोरनि आबुं सिबिथाय होनायाव बिबान लालांगोन होनानै गिबि मन्थिआ बुंथियो ।□

## कक्राइाराव फोरोंगिरिफोरनि २ घन्टा धर्ना हाबाफारि

(□ *१ बिलाइनिफ्राय*) फोरोंगिरि गौथुमा २ घन्टा सोमावसारनाय हाबाफारि बान्जायदों । दिनैनि बे सोमावसारनाय हाबाफारियाव कक्राइार साव डिभिजननि सिडव थानाय गुबुन गुबुन फरायसालिफोरनिफ्राय 10० नि बांसिन फोरोंगिरिफोरा बाहागो लाना आखाइयाव बेनार आरो फ्लेकार्ड लानानै राइज्योयाव फोरोंगिरिनि आवाहावा जेन्नाखौ थाबैनो बोझानायनि दाबिजों सरकारि हेंथायै बायदि–बायदि स्लगान होनाय थासारिखौ गोमखोंहोयो । कक्राइार महकुमा सि्षक सन्मिलनी आरो दुलाराय बर'फोरोंगिरि गौथुमनि जुथायै बान्जानयायाव दिनें बे सोमावसार हाबाफारिखौ आलादा–आलादायै तितागुरि आरो दतमा खोन्देनि गुदि सोलोंथाय मावखुलि आरो कक्राइार गुदि सोलोंथाय मावख'गिरिनि मावखुलि दरखं मोखाडव खालामनाय जादों । बे सोमावसार हाबाफारि बान्जानायनि गेजेरजोंनो फोरोंगिरि गौथुमआ राइज्योयाव फोरोंगिरिफोरनि जेना आरो सोलोंथायनि जेन्नाखौ थाबैनो बोझानानै होनायनि रहा लानो सरकारनि खाथियाव दाबि दैखाडो । बेजों लोगोसेनो फोरोंगिरि गौथुमआ अजद होबावदोदि, गिबि मन्थि सर्बानन्द सनवालआ माखासे दानफोर सिगां राइज्योनि सोलोंथाय थासारि आरो फोरोंगिरिफोरनि जेनाखौ बोझानायनि रहा लानो थाखाय सोलोंथाय कमिसनार आरो सेक्रेटारिखौ बिथोन होखांबाय । नाथाय सोलोंथाय बिफाननि गोजौ थाखोनि बिबानगिरिफोरा दिनेंसिम गिबि मन्थिनि बिथोन बादियै फोरोंगिरिफोरनि जेँना बोझानायनि खामानिखौ मावनो जागायनाय नुनो मोनाखे । थारैनो बे जोबोद दुखु नांथाव बाध्रा । राइज्योनि सोलोंथाय बिफान आरो मावख'गिरिफोरा फोरोंगिरिफोरनि जेँनाफोर आरो दाबि–दावाफोरखौ मावफुंनायाव दिनबाव आरो लेटेम खालामदों होनानै अजद होबावदों । बेजों लोगोसेनो राइज्योनि गेजेराव थानाय गोबां फरायसालिफोराव लान्दां जानानै थानाय फोरोंगिरिफोरनि मासखौबो थाबैनो आबुं खालामनो थाखाय गौथुमआ सरकारनि खाथियाव दाबि खालामो ।

बेबादिनो बे एखे दाबिखौनो लानानै चिरां जिल्ला बर' गुदि सोलोंथाय गौथुमनि हेफाजाबे काजलगाव महकुमा गुदि फोरोंगिरि सन्मिलनीआबो जिल्लानि खोन्दे गुदि सोलोंथाय मावख'गिरिनि मावखुलिनि लांगोनायाव २ घन्टा सम सोमावसारनाय हाबाफारि बान्जायदों । काजलगाव महकुमा गुदि फोरोंगिरि सन्मिलनी आरो चिरां जिल्ला बर' गुदि फोरोंगिरि गौथुमनि जुथायै बान्जानयाय बे २ घन्टा धर्ना होनाय हाबाफारियावनो फोरोंगिरि गौथुमआ फोरमायोदि, थानाय ३० डिसेम्बर, २01९ अक्ट'याव गिबि मन्थि सनवालजों राइज्यो सन्मिलनीआ राइज्योनि फोरोंगिरिफोरनि जेँनाफोरखौ लानानै मोनसे सावरायनाय जादोंमोन । बे सावराय मेलयाव गिबि मन्थि सनवालआ फोरोंगिरिफोरनि जेँनाफोरखौ बोझोनो थाथोरि गौथुमनि सुबुंफोरा रोखायै नुनो लोमोन्दों । लोगोसे गिबि मन्थि सनवालआ गावनि खोथा होनायबादियै सोलोंथाय बिफाननि बिबानगिरिफोरखौबो फोरोंगिरिफोरनि जेन्नाखौ बोझानायनि रहा लानो बिथोन होनाय जादोंमोन, नाथाय दिनेंसिम फोरोंगिरिफोरनि जेँनाफोरखौ बोझानायनि सायाव मोनबो रोखोमनि रहा लानाय नुनो मोनाखे होनानै गोखोङै अजद होयो ।□

## गिबि मन्थिआ माजुलिआव मोब्लिब दालाइ मिरु बेखेवदों

(□ *१ बिलाइनिफ्राय*) मोब्लिब दालाइ मिरुखौ हाबाफारि बादियै बेखेवना होदों । बे दालाइ मिरुआ माजुलिनि मोब्लिब जगायथाय होनायनि सिडव नुजाथिनाय आंखल एबा जेनाफोरखौ समाधान खालामनायजों लोगोसे खमैबो ७ रेजा गामियारि सुबुंफोरखौ सिबिथाय होनो हागोन । मोब्लिबनि नख'रि आंखलखौ फोलोमनो हानायनि अनगायैबो फिसा–फिसा दारिमिन, कारखानानि थाखाय बे दालाइ मिरुआ माजुलि ओन्सोलाव मोब्लिब जगायथायनि गासैनो बिथिडव आबुं ख

## नेहा कक्कड़ आरो दर्शन रावालनि जराया आरोबाव खनसे देंखो रोजाबनानै दोहौ सोमजि होनो थियारि जादों

गोदान दिल्ली, 5 अक्ट'बर : बे देंखोगिरि नेहा कक्कड़आ दर्शन रावालजों खौसे जानानै मोनसे गोदान देंखोआव गावसोरनि गारांखौ होसिगोन, जायनि मुझ 'तेरी आंख' में है। देंखोखौ पार्ल वा पुरी, दिव्या खसला कुमार आरो रहित सुचान्तीनि सायाव



बानायनाय जागोन । बे खौरांखौ गावनि फेन्सफोरनि गेजेराव फोसावनानै दर्शनआ गावनि फेन्सफोरनि गेजेराव फोसावनानै दर्शनआ इन्स्टाग्रामआव लिरदोंदि, मोनसे बारहुंखा बारनाय हराव सासे संग्रा आरो सासे सिखलाया गोदानै लोगो मोनलायफिनो आरो मोजां मोनलायनायनि सल'आ जागायो। हेरशेटेगतेरीआंखमें आ फेसिगोन । बेखौ 7 अक्ट'बरआव फोसावनया जागोन । आथिखालाव दर्शन आरो नेहानि बबेबा देंखोनि थाखाय लोगोसे फैनाया गिबि खेव नड । बिसोर सानैआ थांनाय बोसोराव रिलिज जानाय सावथुन मेड इन चाइना नि देंखो 'अटनो' खौ लोगोसे रोजाबखौबाय ।

## देहा फाहामसालियाव फाहामथाय लानाय सन्जय दत्तन मोनसे नोर्जिया सावगारि

गोदान दिल्ली, 5 अक्ट'बर

: बलिउड फावखुंगुर सन्जय दत्तआ आथिखालाव केन्सफोरजोंबो भुगिनादों आरो मुम्बाइआवनो गावनि फाहामथायखौ लागसिनो दड । मख 'नो गोनॉदि, सन्जय दत्तआ बावैसो समाव गावनि नख 'रनि सुबु' फोरजों लोगोसे डुबाइनिफ्राय फैफिनदों आरो बेनि उनाव बिखौ देहा फाहामसालिआव थिसन्दों, जायनि मोनसे सावगारिआ ससियेल मिडियाआव भाइरेल जादों । फोरमायनाय बायदिल्ला, बेयो सन्जय दत्तनि लेटेस्ट सावगारि, जेराव बियो देहा फाहामसालियाव थादोंमोन । बे सावगारिआ ओरै बायदि आलादादि बेयो इन्टरनेटआव




फैनायनि उनाव बाबानि फेन्सफोराबिनि थाखाय आर 'ज गावदों । मख 'नो गोनॉदि, बे भाइरेल जानाया सावगारियाव सन्जय दत्तआ देहा फाहामसालियाव सासे फेनजों लोगोसे सावगारि सेबखों जादों । सावगारियाव नुनो मोन्दोंदि, सन्जय दत्तआ गोबां लोरखों जाबाय आरो क्लीन सेबजों लोगोसे

## कंगना रनतआ सावथुननि हाबाफोरखौ जागायफिनबाय

गोदान दिल्ली, 5 अक्ट'बर

: फावखुंगुर कंगना रनतआ गावनि रिलिज जानो गोनां सावथुन 'थलाइबी' नि सेटआव गोदानै फैफिनबाय । कंगनाया 1 अक्ट'बरआव गोदानै हाबाफोरखौ जागायबाय आरो गावनि खुसिखौ ससियेल मिडियाआवबो सेयार खालामदों । थांनाय गोलाव समनिक्राय खालि जेंनायाव' गोगलैबाय थांनायखौ नुनो मोन्नाय कंगनाखौ आथिखालाव गोलाव समनि उनाव सेटआव नुनो मोन्दों । कंगनानि बे सावगारिफोरा गोबां भाइरेल जादों । बियो बिथोनगिरि एएल बिजयजों लोगोसे सेटआव सुटिनि समनि माखासे सम आरो शटसनि गेजेराव बे पस्टखौ लादों । बे सावगारिफोराव सानैखौबो अफिसनि सिनआव सावरायनाय नुनो मोन्दों । लुकसनि बाश्राखौ बुडोब्ला बेवहाय कंगनाखौ




मोनसे गुफुर गावनि ब्लाउजजों लोगोसे ग्रे गावनि कटन सारि गान्नाय नुनो मोन्दों । सावगारिफोराव कंगनाखौ गोबां समायना नुनो मोन्दों । बेजों लोगोसेनो मोनसे सावगारियाव बिखौ गंसे गिदिरि फ्रे मनि गोसोम चश्मा गान्नायबो नुनो मोन्दों । बिनि खाथियाव गसनाय डाइरेक्टरखौ गोसोम गावनि टी सार्ट गान्नाय नुनो मोन्दों आरो बिसरो सिनखौ लानानै बाश्रा सावरायदों । हारिमायारि बान्थाखौ देरहासार जानो हानाय कंगनाआ सावथुननि सेटखौ मुलुगआव बयनिखुइबो साबसिन जायगानि महराव लिरदों । बियो

मोनसे मोजां केप्सनजों लोगोसे सावगारिफोरखौ पस्ट खालामदों । केप्सनयाव लिरदोंदि, गुड र्मनि लोगोफोर, बेयो आंनि गोहोम गोनां आरो बयजोंबो अन्सायग्रा बिथोनगिरि एएल बिजयजोंजों लोगोसे मैया फुनि सावययलायनायनि माखासे सावगारि । बे मुलुगआव माखासे गोमोथाव जायगाफोर डड नाथाय आंनि थाखाय बयनिखुइबो सुबु गोजोन होग्रा जायगाया सावथुन सेट #Thalivi । मख 'नो गोनॉदि, सावथुन 'थलाइबी' आ तामिलनाडुनि बारग' गिबि मन्थि जयललितानि जिउआव बिथा खालामनाय ।

## सलमान खानआ 6 दाननि उनाव सावथुननि सुटिंखौ जागायफिनबाय

गोदान दिल्ली, 5 अक्ट'बर : बिग बस 14 नि प्रिमियार एपिसडनि सुटिंखौ खालामनायनि उनाव सलमान खानआ आथिखालाव गावनि रिलिज जानो गोनां सावथुननि सुटिंखौ जागायबाय । दबंग खानआ सावथुन 'राधे : यर मस्ट वान्दे भाइ' नि सुटिं सेटआव 6 दाननि उनाव फैफिनदों । मिडिया रिपर्टनि बायदिल्ला, सावथुननि 80 जौखोन्दों सुटिंआ फुरा जाखांबाय । आथिखालाव सावथुननि मोनसे देंखोनि सुटिंआ आद्रा दड । सावथुननि सुटिंआ मार्चसिमआव फुरा जानो गोनांमोन, नाथाय करना लकडाउननि जाहोनाव जायाखै । आथिखालाव सलमानआ सुटिंनि सेटआव फैफिननायनि गावनि मोनसे सावगारिखौ फेन्सफोरनि थाखाय ससियेल मिडियाआव सेयार खालामदों । सलमानखौ सावगारियाव



गोसोम गावनि कुल जेकेट गान्नाय नुनो मोन्दों । बे सावगारिजों लोगोसे सलमानआ केप्सनआव लिरदोंदि, 6.5 दाननि उनाव सुटआव फैफिनदों आरो गोसोखौ गोजोन्नाय मोन्दों # राधे । फार्सेथि दिशा पाटानीआ सावथुन राधेनि सुटिं जागायनायखौ गावनि मोनसे इन्स्टाग्राम स्टरीनि गेजेरजों फोसावदों । मिडिया रिपर्टनि बायदिल्ला, सलमान खाननि सावथुननि सेटआव करना भाइरासखौ नोजोर लाखिनानै जरखा बेबस्था लानाय जादों । मुम्बाइनि बायजोआव सुटिं खालामनाय समाव सानफ्रोमबोनि ट्रेभेलेनिफ्राय रैखाथि मोन्नो थाखाय प्रडाक्सननि टीमआ एनडि स्टुडियनि खाथियाव मोनसे हटेल बानायदों, जेराव साफ्रोमबो टेक्निनसियानफोरा थागोन । बिसरो सुटिनि समाव बायजोनि सुबुफोरजों लोगो हमनो गनायथि मोन्नाय नडा । साफ्रोमबो कू मेम्बरफोरखौ करना टेस्ट खालामनाय जाखांबाय, जेराव साफ्रोमबोखौ नेगेटिभ मोन्नाय जादों । थाबैनों नैथि टेस्ट खालामनाय जागोन, जेराव फावखुंगुरिफोर आरो कर हान्जाफोरा थाफादेरगोन ।

# गाहाम देहानि राहा

## सानफ्रोमबो फुडव लेबु बिदै लौनाया देहानि थाखाय मुलाम्फा गोनां

लेबुआ देहानि थाखाय गोबां मुलाम्फा गोनां । सानफ्रोमबो फुआव लेबु बिदै लोडोब्ला पाचन तन्त्रआ गोखों थायो आरो उदैनि जेंनाफोरा जानगार जायो । लेबुआव भिटासिनि सि, बि, के लसियाम, मेगनेसियाम, कार्बनहाइड्रेट बायदि मुलि गुनफोरा आबुं थायो । जायफोरा गेस जानाय, उदै गात्रि जानाय, डायबिटिस आरो लिभार बायदि जेंनाफोरनिफ्राय रैखाथि मोनहोनायाव गोबां मुलाम्फा गोनां जायो । लेबु बिदैखौ फुआव लौनायनि मुलाम्फाफोरा जादों-



खालामनायाव मदत होयो । जायफोर सुबुआ दोगोनजों लोब्ला थानाय जेंना जेरै उदै आलौनाय, गेस, हजम जायै बायदि थायोब्ला सानफ्रोमबो फुआव लेबु बिदै लौनांगौ । बेयाव थानाय भिटासिनि सिआ देहा सोलेरआव आल्सार जानायनिफ्राय रैखाथि होयो ।

(1) लेबुआव भिटासिनि सिखौ थोजासे बिबांनि मोन्नाय जायो । बेनि जाहोनाव देहा सोलेरनि बेराम होबथाग्रा गोहो बांनायाव मदत मोनो । सानफ्रोमबो फुआव उदै खालियाव लेबु बिदैखौ लोडोब्ला इन्युनिटिआ बाडो ।

(2) लेबुआव हाइड्रक्लरिक मुनि एसिडखौ मोन्नाय जायो । जाय जाहोनाव दोगोन तन्त्रआ गाहामे जायो । बेजों लोगोसे बेयो एसिडिडि आरो जराफोरनि जेंनाखौबो खम

(3) लेबुआ देहानि लेरथाय खमायनायाव गोबां मुलाम्फा गोनां । बेयाव मोन्नो हानाय पेट्टिन फाइबरआ थाबथाव उखैहोया । जायनि जाहोनाव देहानि लेरथायखौ खम खालामनायाव मदत मोनो । फार्सेथि लेबु बिदैआ देहानिफ्राय सावजायै एबा बिष गोनां तत्वफोरखौ बाइजोआव दिहुनहरानै लेरथायखौ खम खालामनायाव मदत होयो ।

(4) सानफ्रोमबो फुआव लेबु बिदै लोडोब्ला किडनी स्टेनि जेंनायनिफ्राय रैखाथिये थायो । लेबु बिदैयाव हाइड्रेटिड लाखियो जायजों हासुदैखौ मोजां खालामो ।

(5) लेबुआ हाइड्रक्लरिक मुनि एसिडखौ मोन्नाय जायो । जाय जाहोनाव दोगोन तन्त्रआ गाहामे जायो । बेजों लोगोसे बेयो एसिडिडि आरो जराफोरनि जेंनाखौबो खम

## बिग बस 14 नि दावराव-दावसिनि गेजेरावबो राधे माआ एन्ट्रि जाफैदों

गोदान दिल्ली, 5 अक्ट'बर

: भारतीय टेलिभिजन मुलुगनि बयनिखुइबो मुंदांखा आरो कन्ट्रिब्यूटिंस श्व' बिग बसनि 14थि सिजेनखौ फोसाव खांबाय । नाथाय गोबां बोसोरनि उनावबो सुबुफोरनि थुलुगा खांनाया बे श्व'खौ लानानै सोलुबाय थादों । शनिबार हरनि 9.00 रिगायाव बिग बस 14 नि ग्रेन्ड अपेनि एबा प्रिमियारखौ जागायदों । श्व'नि हस्त सलमान खानआ हाथुंराजों लोगोसे एन्ट्रि लादों आरो बे हाथुंराजों 2020 आव गोखों वार खालामदों । फोरमायनाय बायदिल्ला रिविबनि गिबि सानआवनो बिग बसनि 'न'आव दावराव-दावसिखौ नुनो मोन्दों । गिबि सानआव साफ्रोमबो गोदान बादायारिफोरखौ सिद्धार्थ शुक्ला, गौहर खान आरो हिना खानजों लोगोसे नुनो मोन्दों । न' सिडव गिबि सानआव बिग बसआ गोदान बादायारिफोर आरो गोजाम बादायारिफोरनो नेमखान्थिखौ फोरमायदों । रिजेक्ट जानाय बादायारिफोरा



गार्डेन एरियाआव थागोन । बिग बसआ फोरमायदोंदि, साफ्रोमबो गोदान बादायारिफोरा फैगौ 2 सप्ताहसिम 'टु बी कन्फर्म' जनआव थागोन । बेनि उनाव बिग बसआ गौहर खानखौ कन्फेसन रमआव लेंहरदों आरो रल बुकखौ होनानै बिखौ बायजोआव थांनानै गोदान सुबुफोरनो फरायनायै खोनासंहोनो खावलायदों । गौहर खानआ बायजोआव थांनानै साफ्रोमबो रल बुकखौ फरायनायै खोनासंहोदों । किचनखौ सामलायनाय बिबानखौ गौहर खाननो होनाय जादों आरो किचनजों सोमोन्दो गोनां गार्सिखौ गौहरआनो थांनि लागोन । बेडरुमखौ सिद्धार्थ शुक्लाया सामलायगोन आरो बिनो थांनि लागोन । बिबि मल, स्मा, जिमखौ हिना खानआ नोजोर होगोन । बेफोर गार्सिबोनि थाखाय गोदान बादायारिफोरा हिना खाननाव गनायथि लानांगोन । न'आव राधेमाया एन्ट्रि जायो आरो नख 'रनि साफ्रोमबो सुबुफोरा बिखौ बरायो । राधेमाया साफ्रोमबोखौ बुडोदि, गाव गावनि बिमा बिफाखौ सम्मान होनांगौ आरो गात्रि आखुनि जानो नाड । आवगय लॉनो थाखाय बिमानि गोसोखौ सिफायनाया मानोना बिमाया भगबाननिफ्रायबो देरसिन । बिमाखौ सम्मान खालामग्राया अराय सम मोजां जायो । राधेमाया थांनायनि सिगां जान कुमार सानु आरो सिद्धार्थ शुक्लानो गावनि आसीबादखौ होदों ।

## अस्ट्रेलिया, कानाडा, आमेरिका आरो इउरपनि दैदेनायाव हादतनि राजा लामानि खाथियाव सुंग बानायसिगोन

गोदान दिल्ली, 5 अक्ट'बर: अस्ट्रेलिया, कानाडा, आमेरिका आरो इउरपनि जौगाखां हादतफोरनि दैदेनायाव भारतआव माहारियारि राजालामानि सेराव सुरंग बानायनाय जागोन । बेयाव मोक्लिब आरो टेलीफन केबलनिफ्राय लानानै लोंग्रा दै सावर पाइप बायदिखौ मोनसे सुरंगनि सिडवको बानायनाय जागोन । सेन्सरनि गेजेरजों बेखौ नोजोर होनाय आरो बानायनाय जागोन । बेनि जरखा बाश्राया बेनोदि, इयुनाव सुबुफोरनि बाहायनाय हाबाफारियाव जायथि जाया रोखोमनि सोलायनायखौ गोरल्लेयै खालामनो हागोन । बेजों लामाफोरखौ खनले-खनले सिफायनाय सुबुफोरनि जेंनाया जौबगोन ।

अदेबानि माहारियारि राजा लामानि खाथियाव सुरंग बानायनाय थांनिखौ गहाय मन्थि बिफाननि फार्सेनिफ्राय सेप्तेम्बरनि गिबि सप्ताहयाव लामा बानायग्रा आरो राजा लामा बिफानो दैथायहरनाय जाबाय ।

## करनानि समाव मसलाफोरनि बेसेना गोबां बांदों

गोदान दिल्ली, 5 अक्ट'बर : आथिखालाव करना भाइरासनिफ्राय रैखाथि मोन्नो थाखाय बयबो आलादा आलादा राहायै इन्युनिटि बांहोनायनि राहा आजवदों । बेनिनो मोनसे मख 'जाथावआ जादों काडा लौनाय बेयाव बाहाय जाग्रा मसला मसलिफोरनि बेसेना आथिखालाव गोबां बांदों । मसलानि बेसेना 33 जौखोन्दो बांदों । मार्च दानआव कि:ग्रामआव 180 रंआव फानजानाय मसला फिथाइआ 240 रंसिम सौहैबाय । बिब्दोनो कि:ग्रा:आव 2300 रं फानजानाय इलायचिआ आथिखालाव 3,000 रं जाबाय । इलायचिनि बेसेना 30 जौखोन्दो, हाल्देआ 25 जौखोन्दो, लंआ 15 जौखोन्दो, अजवाइनआ 21 जौखोन्दो आरो दालचीनिया 18 जौखोन्दो बांबाय । करनानिफ्राय रैखाथि मोन्नो थाखाय सुबुफोरा नेमखान्थि बादिथै मुलि हारिनि मैंग-मैलाफोरखौ फुदुना बिदै एबा काडाखौ सानफ्रोमबो लौनो हमदों । बेनि जाडनावनो मसला-मसलिफोरनि बेसेना 30-40 जौखोन्दो बांदों । गहायै भारतआ आमेरिका आरो इउरपनि हादतफोरनो मसलाफोरखौ दैथायहरो । नाथाय करनानि समाव बांलादेश, मरक्क, इरान, मालयेसिया आरो चीन बायदि हादतफोराबो भारतनि मसलाफोरखौ बिहरदों । भारतनिफ्राय मसलाफोरजों लोगोसे गुबुन मसलाफोरखौबो दैथायहरनाय जायो । गहायै हाइजे, हाल्दे, दुनजिया, जीरा, तेजपात, सामब्राम गुफुर, बानलु, लं, नोरसिं पाउडर बायदि मसलाफोरखौबो दैथाय हरनाय जायो । गुबुन हादतफोराव भारतनिफ्राय हाइजे बिहरनायखौ नोजोर होनानै हमदोंनो हायोदि, 2019-20 आव 2018-19 निखुइ 176 जौखोन्दो बांसिन हाइजे गुबुन हादतआव दैथायहरनो हागौ ।

## करना इनफेक्सनजों जुजिनो जों बयबो खौसे जानांगौ : पप फ्रान्सिस

रम, एपि, 5 अक्ट'बर : पप फ्रान्सिसआ रिविबआव बुंदोंदि, करना भाइरासनि जाहोनाव बाजारआ जाफुंसाराखै । मुलुगआव गोदान राजखान्थिनि गोनांथि दड, जेराव सावरायलायनाय आरो खौसेथिया बाडो । जायखि जाया थासारियावनो मुणैलायनाय आरो दावहाया जौबस्राडो । धोरोगगुरुआ समाजयारि खौरां होनायाव बयबोबो 'ब्रादास अल' होनानै सोमोन्दो लादों आरो कभिड-19 नि उनाव नुजानो गोनां मुलुगनि सायाव बाश्रा बुंदों । गावनि खौरां होनायाव सेन्ट फ्रान्सिसआ मुलुगनां रांखाथिथियारि जेंनाखौ रायखदों । आथिखालनि जेंनाफोरखौ मख 'नानै बेखौ सुस्रानायनि थाखाय सुबुं माहारिखौ खौसे जानो सावरायदों । बिथाड केथलिक चार्चनि रैखाथिनि थाखाय दावहा जानायनि बाश्रा बुनायखौ नेवसिगरादों । आथिखालनि राजखान्थि आरो रांखान्थि बेबस्थाखौ सुस्रानायनि गोनांथि दड । कभिड-19 खौ लानानै इउएन महा सभायाव पपआ बुंदोंमोनदि, निखावरिफोर आरो आबहावनि रैखाथिनि थाखाय इउएनआ गोहोम गोनां हाबा मावनांगोन । आथिखालनि इनफेक्सनआ रोखा खालामदोंदि, जों गावजोंगावनि हेफाजबनि अनगायै थांनानै थानो हाया । बेनि सिगां मुलुगनि गोहोफोरनियाव पपआ करना भेक्सिनखौ रानानै होनायाव फारागथि दिन्थियैनि आर 'ज गावदों । कभिड-19 जों रैखाथि मोन्नो खौसे जानांगोन ।

# भारतआव राष्ट्रिय पषण मिशनखौ जागाय फिन्नांगौ :इउनिसेफ

गोदान दिल्ली, 5 अक्टूबर: भारतआव इउनिसेफआ बुंदों राष्ट्रीय पषण मिशननि हाबाफारिखौ जागायफिन्नांगौ। भारतआव इउनिसेफनि गहाय अर्जन डे वाटआ बुंदों पषण अभियाननि गेजेरजों आइसिडिएसनि हाबाफारि, न'याव जाग्रा आदार लानानै थानाय आरो थैनि खम जानायखौ होबथानो थाखाय गर्भबती आइजोफोर आरो गथ'फोरनो आयरन फलिक टेबलेट होनायखौ फुरयै गनायथि होनाय गोनांथार। माखासे केसआव समानथियै हाबाफारि मावनाया गोनांथार। गथ'फोर स्कुलाव जाग्रा आदार जाहोनायखौ मोनजानांगौ। नाथाय आथिखालाव स्कुल बन्द' जादोंमोन। बेनि थाखाय



गुबुन नेमखाथिखौ नागिरनाया गोनांथार, जायजों न'-न'याव जाग्रा आदारखौ लानानै थानो हायो। स्कुलआव उन्दै गथ'फोरनो होनाय आयरन फलिक टेबलेट गोनांथि जानाय सुबु'फोरनोबो होनो हायो। भारतआव करना भाइरासआ मोनथाम रोखोमै गोहोम खोखलैदों। गिवियाव खामानि गोमानायाव निखावरिआ बांदों आरो निखावरिफोरा जाग्रा आदारखौ मोजाडै मोनो हायै जादों। नैथियाव सिबिथायफोरखौ गोहोम खोखलैदों आरो थामथियाव पषणखौ नोजोर लाखिनाय केसयाव गोहोम खोखलैदों।

## आजेरबैजानआ आर्मैनियानि सान्थि बादायाव गाग्लोबनो हुमखि हरदों



बाकु, 5 अक्टूबर: आर्मैनियाजों लोगोसे सोलिबाय थानाय दावहायाव अजरबैजानआ बुंदों सुथुआ आथिखालाव नोगोरारिफोरनि सायाव गाग्लोबदों। गान्जा शहरयाव आर्मैनियानिफ्राय स्केटजों गाग्लोबनायाव सासे नोगोरारिया थैदों, जेराव सा 4 आ जोखोम जादों। अजरबैजानआ सांग्रांथि होदोंदि, नोगोरारि थाग्रा जायगायाव गाग्लोबनायखौ बन्द' खालामाब्ला आर्मैनियाआव थानाय सान्थि थाग्रा जायगायाव गाग्लोबनायै बिसोरखौ सिलिखार खालामनाय जागोन। बेनि गेजेराव अजरबैजाननि हादतगिरि इल्हाम अलीयेवआ दुइत खालामना बुंदों गावनि सान्थिफोरार नागर-कराबाख ओन्सोलनि जबरैल कस्बे आरो

माखासे गामिफोरखौ दखल खालामना लादों। आर्मैनियाआ बेबादि दाबि देखानायखौ गोरैन्थि फोरमायदों। दरनैबो हादतफोरनि गेजेराव से सप्ताहनिफ्रायनो दावहा सोलितों। अजरबैजाननि नोगोरारि थाग्रा जायगायाव गाग्लोबनायनि दाबि देखानायनि उनाव दावहा नांनाया बांवावनो हागौ होन्नानै सन्देह' खालामदों। नाथाय आर्मैनियाआ नोगोरारि थाग्रा जायगायाव गाग्लोबनायखौ नेवसिगारदों। नागर-कराबाख ओन्सोलनि दैदेनगिरिआ बुंदों गावनि सान्थि हान्जाया एयारबेसखौ थांखिदों, नाथाय नोगोरारि थाग्रा जायगायाव थांखियाखै।

## करना भाइरासनि 70 जौखोन्दो बेरामिफोरा सन्देरहोनायनि गोहो थाया: सं दान्नाय

अमरावती, 5 अक्टूबर: करनानि 70 जौखोन्दो बेरामिफोरा भाइरासखौ गोसारहोआ। बे खौरंखौ अन्ध प्रदेश-तामिलनाडुआव मोनसे नायबिजिरनायजों मोनथिनाय जादों। आमेरिकायाव थानाय सेन्टार फर डिस्ीज, सिडिडिडिपिनि गेजेरजों आन्ध प्रदेश आरो तामिलनाडुआव मोनसे गोदान नायबिजिरनायजों मोनथिनाय जादों करनानि इवफेक्सन जानाय साफ्रोमबो सुबु'फोरा भाइरासखौ गोसारहोआ। आथिखालआव खम बैसोनि गथ'फोरनाव इनफेक्सन गोसारनाया बांसिन होना फोरमायनाय जादों। अन्ध प्रदेश आरो तामिलनाडुआव करना इपिडेमियलजि एन्ड ट्रेनजिसन डाइनामिक्शन संदान्नाया साइन्स लाइसियाव सेप्तेम्बरखालि सेबखाजौमोन। अन्ध प्रदेशनि सासे बिबानगिरिया बुंदोंदि, बर्कलेआव सिडिडिडिपि, अन्ध



प्रदेश आरो तामिलनाडु सरकारजों लोगोसे केलिफर्निया मुलुग सोल्लोसालिनि संदानगिरिफोरनि मोनसे हान्जाया सा 575,071 सुबु'फोरनिआव ट्रान्स्मेशन पेयर्न एवा बेरामिन गोसारनायखौ संदान्दों। संदान्नायनि बायदिब्ला 70 जौखोन्दो इनफेक्सन जानाय सुबु'फोरा जायथि जाया गुबुन सुबु'नाव इनफेक्सनखौ गोसारहोयाखैमोन, फारसैथि 8 जौखोन्दो इनफेक्सन जानाय सुबुज 60 जौखोन्दो सुबु'नाव इनफेक्सन गोसारहोदों। बे संदान्नायाव मोन्नाय बायदिब्ला गावनिफ्राय देरसिन सुबु'फोरजों सोमोन्दोआव थाग्रा उन्दै गथ'फोर इनफेक्सनखौ बांसिनै गोसारहोदों। समान-समान बोसोरनि सुबु'फोरनाव इनफेक्सनआ बांसिनै गोसारदों। बे मोनै रइन्योयाव 40-69 बोसोर बैसोनि सुबु'फोरा बांसिनै थैदों।

# भारत, आमेरिका, रुस आरो चीननि करना भेक्सिनआ सौफैनो गोबाव सम गैलिया

गोदाद दिल्ली, 5 अक्टूबर : भारतजों लोगोसे मुलुगनि गोबां हादतफोरा करनानि भेक्सिननि थाखाय गोखोडै खामानि मावगासिनो दड। बेनि गेजेरजों मिरुयारि सार्वसि मन्थि हर्षबर्धनआ बुडोदि, फैगोन बोसोरनि जुलाइ दानसिमाव हादतआव करना भेक्सिनखौ 20 निफ्राय 23 कौटि सुबु'फोरनो होनाय जागोन। बेयाव सावसि सिबिथायजों लोब्ला गोनां सुबु'फोरखौ गुदिबिथा होनाय जागोन। जेराव सरकार आरो गावयारि देहा फाहामसालिफोरनि मावसुमा, नार्स, पैरामेडिक्स, सेनितारि स्टाफ, आशा नोजोर लाखिग्रा बिबानगिरि आरो करना बिमारिफोरनि टेस्टि आरो ट्रेसिजों



लोब्ला गोनां सुबु'फोराबो दंफायो। बावयैसो समाव मिरुयारि मन्थिआ बुंदोंमोनदि, फैगौ 2021 नि जागायनायाव हादतआव करनानि भेक्सिनखौ मोन्नो हानाय जागोन। मुलुगनाडै बानायबाय थानाय भेक्सिनाव बबे बबेनिखुइ

साबसिन बेनि सायाव जेबो बिबुंथि होथ'नो हाया। बेनि गेजेरजों बिथाख आथिखालाव रोखा खालामदोंदि, हादतआव जुदि मोनसेनिखुइ बांसिन रोखोमनि भेक्सिनफोरा बारायजायोब्ला बिबोरनि गेजेराव मोनफ्रोम भेक्सिनआनो रैखाथि आरो गोहोम गोनां जागोन।

भेक्सिनखौ रान्नानै होनो फोसावखांबाय। बेयाव फैगौ 3 नभेम्बराव हादतगिरि बिसायख थि दड। हेल्थ आरो हिउमेन सार्थिसेज (एइसएइसएस) बिफानआ थानाय दानाव भेक्सिन रान्नानै होनायनि हाबाफारिखौ फोसावखांबाय। थानाय सेपेम्बर दाननि जागायनायाव सरकारा स्पुतनिक-5 भेक्सिननि गिवि खेबखौ सरासन्ना सुबु'फोरनि थाखाय

फोसावदोंमोन। बेनि रेजिस्ट्रे सननि गनायथिखौ थानाय 11 आगस्टआव मोन्दोंमोन। गासैबो गाहामे गाहाम सोल्लोलाओब्ला फैगौ 2021 नि जानुवारीसिम सरासन्ना सुबु'फोरनि थाखाय करना भेक्सिननि 85 कौटि टुपखौ मोन्नो हासिगोन। आथिखालाव बेयो जेब्ला अक्सफर्ड इउनिसिटी एवा एस्ट्राजेनेका आरो जायगानि इउनिसिटी अफ कुइसेन्ड आरो सिपिएएलनि भेक्सिना जाफुंसारनो हायो अब्लासो रोखा जागोन। बेराफार्सि सिनबेक बायटेक आरो सिनफार्मनि भेक्सिनखौ बावयैसो समाव दिन्थिनाय जाबाय। आथिखालाव बेनि थामथि खोलोमनि नाइबिजिरनायखौ फोसावनाय जाबाय आरो बे भेक्सिनआ बोसोर जोबजासिमाव बाजाराव फैनो हासिगौ।


## भारत आरो खोला आफ्रिकाया डब्लिउ टिअनो लाइजाम हरदों

गोदान दिल्ली, 5 अक्टूबर : भारत आरो आफ्रिकाया लुबैदोंदि, मुलुग फालांगि फसंथान (डब्लिउटिअ) आ जौगाखां होनाय हादतफोरनि सायाव करनानि मुलि बानायनाय आरो दैथायहरनायनि प्रसेसखौ गोलै खालामनो थाखाय इन्ट्लेक्सुएल प्रपार्तिनि नेमखाथिफोरखौ सोलिहोनाड। थानाय 2 अक्टूबरआव भारत आरो खोला आफ्रिकाया डब्लिउ टिअ नो लाइजाम हरनानै जौगाखानाय हादतफोरनिफ्राय इन्ट्लेक्सुएल प्रपार्तिनि नेमखाथिखौ बोखारना होनो बुंदरदों। जेनेभायाव थानाय डब्लिउटिअ नि वेबसाइटआव बे लाइजामखौ नायनो हायो जेराव बुंदोंदि, करनानि थाखाय मुलि आरो भेक्सिन जौगाखां होनाय जादों आरो गोबां गोनांथार कन्सर्नबो दं। जैरे बेफोर मुलिखौ थोजासे बिबानि आरो थि बेसेनआव मुलुग थाखोआव थाबैनो मोनहोरो हाथावगौ, बायदि बायदि। डब्लिउ टिअ नो बुंदरबावनाय जादोंदि, जौगाखांहोनाय हादतफोराआ करनानि गोहोम गोलेदों। नाथाय बेफोर हादतफोरआव गोहोम गोलैनाया जेरावबो समान नड, बबेयावबा गोबां आरो बबेयावबा खम। पेन्टेजों लोगोसे इन्ट्लेक्सुएल प्रपार्तिनि माखासे नेमखाथिया करनानि मुलिखौ थि बेसेनआवनो मोननायाव हँथायै सोमजिनो हागौ।

मख'जाथावदि, जाय हादतआव करनानि मुलिखौ सिगांग्रो बानायगोगोन, डब्लि एइच अयाव बेनो गिवि पेन्टेन्ड खालामगोगोन। पेन्टेन्डि नेमखाथिनि बादिब्ला, पेन्टेन्ड खालामनाय हादतआव बै मुलिन दिहुन्याय, इम्पर्ट खालामनाय आरो एक्सपार्तिनि फुरा मोन्थाय थागोन। बबेबा हादतनि पेन्टेन्डि उनाव बबेबा गुबुन हादतआव मुलि बानायनानै पेन्टेन्ड खालामनो थाखाय एफ्लाड खालामोब्ला, आथिखालनि इन्ट्लेक्सुएल प्रपार्तिनि नेमखाथिनि गेजेरजों सिगांआवनो पेन्टेन्ड जानाय मुलिजों फर्मुलाया एखे जायोब्ला बेनि एप्लिकेसन एवा आर'ज गाबनाया बोखारना होजागोन। जौगाखां हादतफोरा करनानि भेक्सिन बानायनानै पेन्टेन्डआव बयनिखुइबो सिगां जागोन नाथाय बे हादतआव एवा माखासे हादतफोरा फुरा मुलुगनो करनानि मुलि एवा भेक्सिनखौ थि समाव, थि बिबानि आरो थि बेसेननि हरनो हागोन। बे वाथाखां लानानै भारत आरो खोला आफ्रिकाया जिगा सिनाय फोरमायदों। आरो जौगाखां नडै हादतफोरनि थाखाय करनानि मुलि दिहुन्याय आरो बेखौ रान्ना होनायाव डब्लिउ टिअ नियाव रेहाय बिदों।

## भारतनिफ्राय ब्रिटेनआव अनलाइन हेकिंनि हाबा मावनायनि सं मोन्दों

लन्दन, 5 अक्टूबर: भारत आरो ब्रिटेनआ कम्पिउटर सप्टवेयरनि गेजेरजों दायनि हाबाफारि मावनायखौ होबथानो थाखाय जुथाय अभियान सालायनानै भारतआव दर 6 शहरफोरनि मोन 10 था मावख'आव खना-खनला सिगोमदों। लन्दन पुलिस आरो सिबिआइआ 17 स्पेतेम्बराव जुथायै बिजिरीदों। फुरा अभियान खालामनायाव दरनै हादतफोरनि गं 37 कल सेन्टारनि हँथायै बिजिरनाय जादों आरो सा 88 सुबु'फोरखौ ग्रेप्टार खालामदों। लन्दन पुलिसनि बादिब्ला ब्रिटिश नोगोरारिनि सामलायनायाव गेनाखाथिनि हाबाफारि मावनायाव ब्रिटेननि सुबु'फोरखौ थांखिनाय जादों। भारतआव थानाय मावख'खौ बे गेनाखाथि हाबाफारि मावनायाव बाहायनाय जादों। भारतआव बिजिरनायाव सिबिआइखौ हेफाजाब होनाय जादों। बेबादि बिजिरनाया इयुनावबो सोलिबाय थागोन। बे समाव सिबिआइनो बै गासिबो फोरमानखौ जगायना होनाय जादों, जायखौ दुखु मोन्नाय सुबु'फोरनिफ्राय मोन्नो हादोंमोन।




मोन्नो हानाय फोरमानखौ बिथा खालामनायनि सायाव सिबिआइआ लन्दन पुलिसखौ फुरा मदत खालामदों आरो बे केसखौ भारतीय बिजिरसालियाव लानानै थानानै दानगिरिफोरखौ साजा होनो नाजागोन। भारतआव लकडडउन समाव ब्रिटेनआव अनलाइन फ्रडनि केसखौ गोबां खम नुनो मोन्नाय जादों। बेबादिनो जाहोनाव गेनाखाथिथाय थाफादेरनाय मावख'आ बन्द' जादोंमोन आरो गोबां गेना खाथि जायाखै। नाथाय दायनिगिरिआ गावसोरनि हाबाफारिखौ मावनो नाजाबाय सुबु'फोरनिफ्राय मोन्नो हादोंमोन।

न'निफ्रायनो हाबाफारि मावदों। बे गेना खाथिनि हाबाफारि मावनायाव सोरबा सुबु'नि कम्पिउटरयाव तेकनिका आ जेना सोमजिनायनि मेसेज दैथाय हरनाय जायो। बेवहाय हेल्पलाइन नम्बरआव फन खालामनो थाखाय बाथा बुनाय जायो। बे नम्बरआव भाइरासनिफ्राय रैखाथि होनो थाखाय फिस बिनाय जायो। बे फिसखौ अनलाइन बिहरनाय जायो, जायजों बेकनि डिटेलेखौ गेना खाथिनि हाबाफारि मावग्राया मोन्नो हायो। बेजों गेना खाथिनि हाबाफारि मावग्राया बैकनिफ्राय गोबां खोखौ खावानानै लाना थाखे।

## निउ केलेडनियाआ फ्रान्सनिफ्राय आलादा जाया, उदांसिनि थाखाय सुबुं बिबुंथिनि हँथायै भट खुंदों

मेलबर्न, 5 अक्टूबर : निउ केलेडनियाआ फ्रान्सनिफ्राय आलादा जानाय नड। बेनि गेजेरजों थानाय रबिबोरखालि उदांसिनि थाखाय सुबुं बिबुंथिनि हँथायै सुबुंफोरा भट खालामो। जुदि बेयावनि सुबुंफोरा उदांसिखौ मदत खालामोब्ला फ्रान्सनि आखायनिफ्राय प्रशान्त ओन्सोलाव थानाय बयनिखुइ देरसिन गुबुन हादतनिफ्राय लाबोग्रा ओन्सोलआ गावसालाडे। जर'खा बाथाया बेनोदि, बे ओन्सोलाव चीनआ गावसोरनि दबथाइनायखौ बारायगासिनो दड। बे थांखिजों फ्रान्सनि सान्नाय हनायखौबो दुखु मोनहोयो जाय, माब्लाबा केरेबियान लैथोमा, आफ्रिकानि



गिदिर बाहागो एसिया आरो प्रशान्त ओन्सोलसिममोन। अदेबानि निउ केलेडनियाआ थानाय 1853 निफ्रायनो फ्रान्सनि बाहागो आरो बेयो खोला सोनाव प्रशान्तनि मोनसे समायाव द्वीप ओन्सोल। मख'नो गोनांदि, बे

भटआव गोबां अन्जिमानि सुबुंफोरा बाहागो लादों। अदेबानि गं 304 था भट होग्रा मिरुफोराव 85.6 जौखोन्दो सुबुंफोरा भट सोदों। बेबायदिनो फ्रान्सनिफ्राय उदांसिनि हँथायै 53.26 जौखोन्दो सुबुंफोरा भट खालामो। फ्रान्सनिफ्राय

सुबुरुनखौ फोरमायदोंमोन। बे ओन्सोला अस्ट्रेलियानिफ्राय 1200 कि:मि: सान्नाहा थानाय मोनसे द्वीप श्रृंखला। फ्रान्सनि राजथावनि पेरिसनिफ्राय बिनि जान्थाया 20 रोज कि:मि:। बे द्वीप ओन्सोला गोबां सुबुं सोदोमसिखौ मोन्नो हाबाय, नाथाय रैखाथि आरो सोल्लोथाइ बायदि आयदानि सायाव बिसोर फ्रान्सनि सायाव बांसिनै सोनारो। अदेबानि बे सुबुं बिबुंथिया थानाय 1998 आव फ्रान्स, कनक एन्ड ससेलिस्ट नेसनेल लिबारेसन फ्रन्ट आरो उदांसिखौ हँथा होग्रा दैदेनगिरिफोरनि गेजेराव जानाय मोनसे रादायनि गेजेरजों जादों।

## आइपिएलआव चेन्नाइ सुपार किंसआ गोख्रों गेलेनानै देरहानायखौ लाबोफिन्दों

डुबाइ, 5 अक्ट'बर: हादतनि बायजोयाव दासान्दि फारियै सोलिबाय थानाय 13 थि सिजन इन्डियन प्रिमियर लीग सु'दयै आइपिएलनि मेच गेलेनाया हान्जाफोरनि गेजेराव सोलिबाय थारों। मेच गेलेनाय समाव गुबुन गुबुन हान्जाफोरनि गोख्रों गेलेनानै देरहानाय आरो जेन्नायखौबो नुनो मोन्दों। आइपिएलनि रबिबारखालि गेलेनाय मोनसे मेचखौ चेन्नाइ सुपार किंस हान्जाया मिर्जिथिजानाय गोख्रों गेलेगिरिफोरनि रान खालामनो हानायनि हेफाजाबाव किंस इलेभेन पान्जाब हान्जानि हेथायै देरहानो हानायव जाफुंसारदों। मख'नो गोनादि, सोलिफु आइपिएलआव फारियै मोन 3 मेचखौ जेन्नाय चेन्नाइ सुपार किंस हान्जाया महेन्द्र सिं धनिनि दैदेनायाव थानाय हरनि मेचखौ गेलेगिरि सेन वातसन आरो दुप्लेसिसनि गोख्रों गेलेनाय हेफाजाबजों 10 उइकेटनि फारगथियाव पान्जाब हान्जाखौ फेजेन्तो हानानै बे सोलिफु आइपिएलआव मोन 5 मेचनि



गेजेराव 2 थि खेब देरहानो हादों। 13 थि सिजननि बेखेवजेनाय एबा गिबि मेचखौ चेन्नाइ हान्जाया मुम्बाइ इन्डियान्सनि हेथायै देरहानो हादोंमोन। नाथाय बेनि उनाव गेलेबोनाय फारियै मोन 3 मेचखौ महेन्द्र सिं धनि दैदेनाय हान्जाया जेन्तो गोनां जायो। थानाय हरनि समाव गेलेनाय आइपिएलनि मेचखौ देरहानो थानाय किंस इलेभेन पान्जाब हान्जाया सिगां बेटि खालामनानै 20 अभायव गासै 179 राननि टारगेटखौ होनो हादोंमोन। बे टारगेटनि फिन्नायाव चेन्नाइ

हान्जाया सिगांनिफ्राय गोख्रों गेलेनो हानायजों एबा सेन वातसननि 53 बलाव 87 रान आरो दुप्लेसिसनि 53 बलाव 87 रान खालामनो हानायनि हेफाजाबजों मेचखौ मोनसेबो उइकेट खोमायालारसै 10 उइकेटआव देरहानो हायो। गुबुन फारसेथिं किंस इलेभेन पान्जाब हान्जाया बेनि सिगां गेलेनाय मेचखौ देरहानो हादोंबलाबो नाथाय थानाय हरनि समाव गेलेनाय मेचखौ चेन्नाइनि हेथायै जेन्नायनि सिमान लानाडे। बे मेचखौ जेन्नायाव गोजोनाय गैयै

फोरमायनानै पान्जाबनि केप्टेन के एल राहुलआ बुडोदि, हान्जाया गेलेनायनि थानाय लानाय सोलोखौ जाफुंसार होनो हायाखै। केएल राहुलआ हान्जानि जानानै 52 बलाव 63 रान, मायांक आग्रवालआ 26 रानखौ खालामनो हादोंमोन। चेन्नाइ हान्जाया बे मेचखौ देरहानो हानायजों पइन्टनि फारिलाइयाव एसे आवगायनो हादों। बे मेचखौ देरहानायजों फेगो मेचखौबो देरहानो थानाय लाबावदों महेन्द्र सिं धनि दैदेनाय चेन्नाइ सुपार किंस हान्जाया।

## आइजो क्लासिक' फुटबल बादायलायनायाव बासिलनाया 4-0 गलाव रियेल माद्रिदखौ फेजेन्तों

माद्रिद, 5 अक्ट'बर: स्पेन हादतनि गेजेराव हौवाफोरनि क्लाब थाखोनि ला-लीगा फुटबल बादायलायनाया जागायजेन्नायजों लोगोसे आइजो क्लासिक' फुटबल लीग बादायलायनायावो बे समाव जागायजेन्तों। क्लासिक' फुटबल लीगनि बेखेवजेनाय मेचखौ थानाय सिजननि सेम्पियन हान्जा बासिलना आइजो हान्जाया 4-0 गलाव रियेल माद्रिद हान्जाखौ गोरलैयैनो फेजेन्तो हादों। गेलेनायनि सिगां समाव बासिलनानि गेलेनाया गोख्रों जानायनि गेजेरावनो 19 मिनिटआव हान्जानि गेलेगिरि पाट्टि गुडजार'आ गलखौ होनो हाजेनो। बेनि उनाव रियेल माद्रिदनि गेलेगिरि मारिया रदुबुइसआ गावनो गाव गल होना लानायजों बासिलनाया 2-0 गलजों आवगायनो हायो। बेनि उनाव गेलेनाया गोख्रोंसिन जानायजों बासिलनाया मोनै गलखौ



होनो हाबावो आरो बे गलखौ सुख'फिन्तो हायैजों रियेल माद्रिदआ जेन्तो गोनां जायो। स्पेइन आइजो फुटबल क्लाब थाखोनि क्लासिक' लीगनि बादायलायनायाव गुबुन गुबुन हान्जाफोरा बाहागो लादों। बेनि गेजेराव जागायजेन्नाय गिबि मेचआव बासिलना आइजो क्लाबआ गोबां गलाव रियेल माद्रिदखौ

फेजेन्तो हायो। मख'नो गोनांदि, दासिम इडर'प हादतनि आइजो फुटबल हान्जाफोरनि गेजेराव बासिलना क्लाबआ गोख्रोंसिन आइजो हान्जा जानानै दं। कभिड-19 महामारिनि गात्रियै गोहोम गोग्लैनाय थासारिखौ नोजोर होनानै आइजोफोरनि गेलेनाया अन्सायगिरिफोर गैयालासेनो

जागायजेन्तों। अदेबानि नायया अन्सायगिरिफोर स्टेडियमआव गैयाब्लाबो क्लासिक' लीगनि मेच गेलेनाया मैया रबिबारनिफ्राय जागायजेनबाय। बे जागायजेन्नाय मेचखौनो गोबां गलाव देरहानानै बासिलना आइजो फुटबल हान्जाया फेगो मेचखौबो देरहानो हाबावगोनखौ मिर्जिथिदों।



आसाम सरकार

## आसाम सरकारआ राइज्योनि खौरंगिरिफोरनि थाखाय खेबसेयै गनायथि फोसावनाय जादों आरो बिसोरनिफ्राय आर'जलाइ हांखायनाय जादों।



सर्बानन्द सनवाल  
गिबि मन्त्रि, आसाम

### थांखि

खौरंगिरिफोरखौ  
रायखांजाथावनायै जाफुंसार  
जानायनि लामायाव आरो गोनांथार  
समाव हेफाजाब मोन्नायनि बे  
गनायथिनि थांखि

गनायथिनि बिसान: सा 20 खौरंगिरिनि  
साफ्रोमबोनिसिम 50,000 राडै

आर'जलाइ जमा होनायनि जोबथा खालार  
27 अक्टबर, 2020

### माबोरै आर'जलाइ थिसनगोन

आबुडै सुफुंनाय गां 3 आर'ज बिलाइ  
(फारिलाइ-1) जों लोगोसे गुबुन गुबुन  
सोमोन्दो थानाय फोरमानलाइफोरखौ आरो  
सुबुं फोनांजाब सामलाय मावख', आसाम,  
लास्ट गेट, दिसपुर, गुवाहाटी-781006 नि  
जायगायाव जमा होनांगोन।

### सोर आर'जलाइ थिसनगोन

फोरमायथि आरो सुबुं फोनांजाब सामलाय मावख',  
आसामनि एक्रिडिटेड/गनायथि मोन्नाय सिनायथि बिलाइ  
थानाय खौरंगिरि। खौरंगिरिनि बे बिथिडव आर'जलाइ  
थिसनग्राया खमैबो 15 बोसोरनि रोंग'थि थानाय  
जानांगोन। आर'जलाइ थिसनग्राणि बैसोआ खमैबो 40  
बोसोर आरो बोसोरारि आर्जिनाय आयआ 5  
लाखनिखुइबो बाडइ जानांगोन।

बिथोनलाइ आरो थिसन्थायनि आर'जलाइखौ डाउनलड खालामनो हागोन

<https://bit.ly/2RWZgx5>



आसाम सरकार

## मिडिया फेल'सिप: 2020-21

फोरमायथि आरो सुबुं फोनांजाब सामलाय मावख', आसामआ 'मिडिया फेल'सिप:2020-21' नि थाखाय आर'जलाइ हांखायदों।

### सोर आर'जलाइ थिसनगोन

खमैबो 5 बोसोरनि रोंग'थि थानाय  
फ्रिलेन्सार्चनिफ्राय प्रिन्ट, इलेक्ट्रनिक आरो  
निउज एजेन्सि फसंथानआव खामानि मावनाय  
आसामनि खौरंगिरि।

### माबोरै आर'जलाइ थिसनगोन

आबुडै सुफुंनाय गां 5 आर'ज बिलाइ (फर्मेट-1 आरो फर्मेट-2)  
जों लोगोसे गुबुन गुबुन सोमोन्दो थानाय फोरमानफोरखौ  
फोरमायथि आरो सुबुं फोनांजाब सामलाय मावख', आसाम, लास्ट  
गेट, दिसपुर, गुवाहाटी-781006 नि जायगायाव जमा होनो हागोन।

बिथोनलाइ आरो आर'ज बिलाइनि फर्मेटखौ

<https://bit.ly/3ieRb1r> आरो <https://bit.ly/2S6bW19>

निफ्राय डाउनलड खालामनो हागोन।

आर'जलाइ जमा होनायनि जोबथा खालार 27 अक्टबर, 2020

फोनांजाब खालामनो

[diprmediafellowship@gmail.com](mailto:diprmediafellowship@gmail.com)



सर्बानन्द सनवाल  
गिबि मन्त्रि, आसाम



JANASANYOG/D/5355/20